

ՀԱՍՏԱՏՎԱԾ Է

ՀՀ հաշվեքննի պալատի 2022թ.

մայիսի 5-ի թիվ 118 -Ա որոշմամբ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ,
ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ 2021 ԹՎԱԿԱՆԻ
ՊԵՏԱԿԱՆ ԲՅՈՒՋԵԻ ՏԱՐԵԿԱՆ ԿԱՏԱՐՄԱՆ ՀԱՇՎԵՔՆՆՈՒԹՅԱՆ
ԱՐԴՅՈՒՆՔՆԵՐԻ ՎԵՐԱԲԵՐՅԱԼ

ԲՈՎԱՆԴԱԿՈՒԹՅՈՒՆ

1. Ներածական մաս - էջ 2
2. Հապավումներ - էջ 4
3. Ամփոփագիր - էջ 6
4. Հաշվեքննության հիմնական արդյունքներ - էջ 15
5. Հաշվեքննության օբյեկտի ֆինանսական ցուցանիշներ - էջ 17
6. Անհամապատասխանությունների վերաբերյալ գրառումներ - էջ 19
7. Խեղաթյուրումների վերաբերյալ գրառումներ - էջ 26
8. Հաշվեքննությամբ արձանագրված այլ փաստեր - էջ 30
9. Հետհսկողական գործընթաց - էջ 33
10. Առաջարկություններ - էջ 37

1. ՆԵՐԱԾԱԿԱՆ ՄԱՍ

Հաշվեքննության հիմքը	ՀՀ հաշվեքննիչ պալատի 2022 թվականի փետրվարի 4-ի թիվ 29-Ա որոշում:
Հաշվեքննության օբյեկտը	ՀՀ կրթության, գիտության, մշակույթի և սպորտի նախարարություն:
Հաշվեքննության առարկան	2021 թվականի պետական բյուջեի տարեկան մուտքերի ձևավորման և ելքերի իրականացման կանոնակարգված գործունեություն:
Հաշվեքննության առարկայի չափանիշները	«Հաշվեքննիչ պալատի մասին» ՀՀ օրենք, «Բյուջետային համակարգի մասին» ՀՀ օրենք, «Գնումների մասին» ՀՀ օրենք, «Հաշվապահական հաշվառման մասին» ՀՀ օրենք, «Նախնական մասնագիտական (արհեստագործական) և միջին մասնագիտական կրթության մասին» ՀՀ օրենք, ՀՀ կառավարության 2020 թվականի դեկտեմբերի 30-ի «Հայաստանի Հանրապետության 2021 թվականի պետական բյուջեի կատարումն ապահովող միջոցառումների մասին» թիվ 2215-Ն որոշում, ՀՀ կառավարության 2017 թվականի մայիսի 4-ի «Գնումների գործընթացի կազմակերպման կարգը հաստատելու և ՀՀ կառավարության 2011 թվականի փետրվարի 10-ի թիվ 168 – Ն որոշումն ուժը կորցրած ճանաչելու մասին» 526-Ն որոշում, ՀՀ վարչապետի 2019 թվականի դեկտեմբերի 30-ի թիվ 1984-Ա որոշում, ՀՀ կառավարության 2019 թվականի հոկտեմբերի 31-ի «ՀՀ կառավարության 2006 թվականի օգոստոսի 24-ի թիվ 1262-Ն որոշման մեջ փոփոխություններ և լրացումներ կատարելու մասին» թիվ 1503-Ն որոշում, ՀՀ կառավարության 2013 թվականի նոյեմբերի 28-ի «Նախնական մասնագիտական (արհեստագործական) և միջին մասնագիտական կրթության մասին» «ՀՀ նախնական մասնագիտական (արհեստագործական) և (կամ) միջին մասնագիտական կրթական ծրագրեր իրականացնող պետական ուսումնական հաստատություններում ուսանողական նպաստ և պետական կրթաթոշակ տրամադրելու կարգը հաստատելու և ՀՀ կառավարության 2007 թվականի մարտի 1-ի թիվ 297-Ն որոշումն ուժը կորցրած ճանաչելու մասին» թիվ 1330-Ն որոշում և այլն:

Հաշվեքննությունն ընդգրկող ժամանակաշրջանը	2021 թվականի հունվարի 1-ից մինչև 2021 թվականի դեկտեմբերի 30-ը ներառյալ:
Հաշվեքննության կատարման ժամկետը	2022 թվականի փետրվարի 14-ից ապրիլի 29-ը:
Հաշվեքննության մեթոդաբանությունը	Հաշվեքննությունն իրականացվել է «Հաշվեքննիչ պալատի մասին» ՀՀ օրենքի և ՀՀ հաշվեքննիչ պալատի 2020թ. հուլիսի 30-ի թիվ 132-Լ որոշմամբ հաստատված «ՀՀ պետական բյուջեի երեք, վեց, ինն ամիսների և տարեկան կատարման հաշվեքննության ուղեցույց»-ի համաձայն: Իրականացվել է ֆինանսական և համապատասխանության հաշվեքննություն, որի ընթացքում կիրառվել են հարցումներ (ՀՀ հաշվեքննիչ պալատի կողմից թվով 1 և հաշվեքննողների կողմից՝ թվով 5), արտաքին հաստատում, վերլուծական, վերահաշվարկ և վերակատարում ընթացակարգերը:
Հաշվեքննության սահմանափակումներ	ՀՀ կրթության, գիտության, մշակույթի և սպորտի նախարարության Երևանի «Մ. Հերացու անվան պետական բժշկական համալսարան» հիմնադրամի 2021թ. պետության կողմից ուսման վարձի լրիվ և մասնակի փոխհատուցումների տարեկան քանակագումարային ամփոփ տեղեկատվության անվանացանկային ցուցակների և «Երևանի Անանիա Շիրակացու անվան ճեմարան կրթահամալիր» ՓԲԸ-ի 196,614.9 հազ. դրամի վերաբերյալ տեղեկատվության չտրամադրելու պատճառով հաշվեքննություն չի իրականացվել:
Հաշվեքննությունն իրականացրած կառուցվածքային ստորաբաժանում	Հաշվեքննությունն իրականացվել է ՀՀ հաշվեքննիչ պալատի չորրորդ վարչության կողմից, որի աշխատանքները համակարգում է ՀՀ հաշվեքննիչ պալատի անդամ Եղիշե Սողոմոնյանը:

2. ՀԱՊԱՎՈՒՄՆԵՐ

1. **Նախարարություն** – Հայաստանի Հանրապետության կրթության, գիտության, մշակույթի և սպորտի նախարարություն:

2. **Ծրագիր 1** – (1045-12003) «Նախնական մասնագիտական (արհեստագործական) կրթության գծով ուսանողական նպաստների տրամադրում» ծրագիր:

3. **Ծրագիր 2** – (1045-12004) «Միջին մասնագիտական կրթության գծով ուսանողական նպաստների տրամադրում» ծրագիր:

3. **Ծրագիր 3** – (1111-12003) «Բարձրագույն մասնագիտական կրթության գծով ուսանողական նպաստների տրամադրում» ծրագիր:

4. **Ծրագիր 4** – (1115-12001) «Աջակցություն երիտասարդ ընտանիքներին» («Երիտասարդ ընտանիքներին մատչելի բնակարաններ» պետական նպատակային ծրագրի համաֆինանսավորում) ծրագիր:

5. **Ծրագիր 5** – (1146-12003) «Միջնակարգ ընդհանուր հանրակրթություն» (Պարտադիր կրթության երրորդ մակարդակում սովորողների ընդգրկվածության, գրագիտության և համակողմանի զարգացման բարձր մակարդակի ապահովում) ծրագիր:

6. **Ծրագիր 6** – (1146-11011) «Հիմնական մասնագիտացված հանրակրթություն» (Հիմնական կրթության մակարդակում մասնագիտացված հանրակրթական ծառայությունների մատուցման միջոցով սովորողների ընդգրկվածության և գրագիտության ապահովում) ծրագիր:

7. **Ծրագիր 7** – (1168 - 11001) «Արվեստների ծրագիր» (Օպերային և բալետային ներկայացումներ) (Օպերային և բալետային արվեստի ներկայացումների բեմադրություն, թատրոնի գործունեության ապահովում, ազգային օպերային և բալետային արվեստի խթանում) ծրագիր:

8. **Ծրագիր 8** – (1168 - 11003) «Արվեստների ծրագիր» (Թատերական ներկայացումներ) (Թատերական ներկայացումների բեմադրություններ և թատրոնների գործունեության ապահովում) ծրագիր:

9. **Ծրագիր 9** – (1168 - 11004) «Արվեստների ծրագիր» (Երաժշտարվեստի և պարարվեստի համերգներ) (Երաժշտական, պարային, համերգային կազմակերպությունների գործունեության ապահովում և համերգային ծրագրերի իրականացում) ծրագիր:

11. **Ծրագիր 10** – (1192 - 32002) «Համաշխարհային բանկի աջակցությամբ իրականացվող «Կրթության բարելավման ծրագիր» (Կապիտալ ներդրումներ ավագ, միջնակարգ և հիմնական դպրոցներում և կրթության ոլորտի կազմակերպություններում) /ԿՏԱԿ/» ծրագիր:

12. **Ծրագիր 11** – (1148 - 11001) «Արտադպրոցական դաստիարակություն» ծրագիր:

13. **ԾՐԱԳՐԵՐ** - **Ծրագիր 1-ից Ծրագիր 11-ը** ներառյալ:

14. **Բուհ** - Բարձրագույն ուսումնական հաստատություն:

15. **ԱԱՀ** – Ավելացված արժեքի հարկ:

16. **ԿԲ** – ՀՀ Կենտրոնական բանկ:

17. **ԾԻԳ** - «Կրթական ծրագրերի կենտրոն» Ծրագրի իրականացման գրասենյակ:

18. **ԱԶ** – Անհատ ձեռներեց:

3. ԱՄՓՈՓԱԳԻՐ

Նախարարության ԾՐԱԳՐԵՐ-ում 2021թ. տարեկան պլանի ճշտման (նվազման հանրագումարով) հետևանքով առաջացած ընդհանուր տարբերությունը կազմել է՝ 1,540,502.1 հազ. դրամ (3,6%), որից 1,627,313.2 հազ. դրամը (3,8%) նվազեցվել է ՀՀ կառավարության մի շարք որոշումներով, իսկ 86,810.5 հազ. դրամը (0,2%) ավելացվել է վերադասի կողմից սահմանված կարգով՝ վերաբաշխման միջոցով (տես՝ Աղյուսակ 1):

Աղյուսակ 1

Նախարարության ԾՐԱԳՐԵՐ-ի 2021թ. տարեկան պլանի և ճշտված պլանի տարբերությունների վերաբերյալ

(հազ. դրամ)

Թիվ	ԾՐԱԳՐԵՐ	Տարեկան պլան	Վերաբաշխումներ (+, -)						Տարեկան ճշտված պլան
			ՀՀ կառավարության որոշումներով		Վերադասի կողմից		Ընդամենը՝		
			Գումարը	%	Գումարը	%	Գումարը	%	
1	Ծրագիր 1	2,430,557.6	-113,724.4	-4.7	0.0	0.0	-113,724.4	-4.7	2,316,833.2
2	Ծրագիր 2	7,517,963.6	-756,808.4	-10.1	0.0	0.0	-756,808.4	-10.1	6,761,155.2
3	Ծրագիր 3	9,453,600.8	-493,505.2	-5.2	0.0	0.0	-493,505.2	-5.2	8,960,095.6
4	Ծրագիր 4	1,600,900.0	-220,000.0	-13.7	0.0	0.0	-220,000.0	-13.7	1,380,900.0
5	Ծրագիր 5	8,085,156.6	103,518.3	1.3	119,894.1	1.5	223,412.4	2.8	8,308,569.0
6	Ծրագիր 6	1,810,483.2	-217,460.7	-12.0	0.0	0.0	-217,460.7	-12.0	1,593,022.5
7	Ծրագիր 7	1,439,533.1	0.0	0.0	0.0	0.0	0.0	0.0	1,439,533.1
8	Ծրագիր 8	1,784,733.0	1,876.4 ¹	0.1	-33,840.0	-1.9	-31,963.6	-1.8	1,752,769.4
9	Ծրագիր 9	2,770,649.5	92,546.4	3.3	12,000.0	0.4	104,546.4	3.8	2,875,195.9
10	Ծրագիր 10	2,820,139.6	0.0	0.0	0.0	0.0	0.0	0.0	2,820,139.6
11	Ծրագիր 11	2,625,077.0	-23,755.6	-0.9	-11,243.6	-0.4	-34,999.2	-1.3	2,590,077.8
Ընդամենը՝ ԾՐԱԳՐԵՐ		42,338,794.0	-1,627,313.2	-3.8	86,810.5	0.2	-1,540,502.7	-3.6	40,798,291.3

Նախարարության ԾՐԱԳՐԵՐ-ի 2021թ. տարեկան պլանի և ճշտված պլանի փոփոխությունների և վերաբաշխումների վերաբերյալ հիմնավորումները ներկայացված են ստորև (տես Աղյուսակ 2):

¹ :Նախարարության 2021թ. Ծրագիր 8-ի 1,876.4 հազ. դրամ ավելացումը կատարվել է ՀՀ Վարչապետի 2017թ. օգոստոսի 10-ի թիվ 975-Ա որոշմամբ:

Աղյուսակ 2

Նախարարության ԾՐԱԳՐԵՐ-ի 2021թ. տարեկան պլանի և ճշտված պլանի փոփոխությունների և վերաբաշխումների հիմնավորումների վերաբերյալ

(հազ, դրամ)

2021թ. տարեկան					
Դիվիզիոն	Պլան	Վերաբաշխում (+, -)		Ճշտված պլան	Իրավական ակտեր
		ՀՀ կառավարության որոշումներով	Վերադասի կողմից		
1	2	3	4	5	6
Ծրագիր 1					
1	2,430,557.6	-113,724.4	0,0	2,316,833.2	ՀՀ կառավարության 2021թ. մարտի 25-ի թիվ 397-Ն (-50,000.0), դեկտեմբերի 9-ի թիվ 2023-Ն (-20,093.3), դեկտեմբերի 16-ի թիվ 2164-Ն (-23,630.5) և դեկտեմբերի 16-ի թիվ 2050-Ն (-20,000.0) որոշումներ:
Ծրագիր 2					
2	7,517,963.6	-756,808.4	0,0	6,761,155.2	ՀՀ կառավարության 2021թ. մարտի 18-ի թիվ 391-Ն (-7,611.0), մարտի 25-ի թիվ 397-Ն (-320,000.0), մայիսի 27-ի թիվ 887-Ն (-187,461.3), հունիսի 4-ի թիվ 914-Ն (+89.2), հոկտեմբերի 14-ի թիվ 1693-Ն (-13,661.2), հոկտեմբերի 21-ի թիվ 1734-Ն (-114,720.2), դեկտեմբերի 16-ի թիվ 2164-Ն (-15,460.1), դեկտեմբերի 16-ի թիվ 2050-Ն (-25,000.0) և դեկտեմբերի 16-ի թիվ 2061-Ն (-595.0) որոշումներ:
Ծրագիր 3					
3	9,453,600.8	-493,505.2	0,0	8,960,095.6	ՀՀ կառավարության 2021թ. մարտի 18-ի թիվ 391-Ն (-7,611.0), մարտի 25-ի թիվ 397-Ն (-320,000.0), հունիսի 4-ի թիվ 914-Ն (+183.7), նոյեմբերի 18-ի թիվ 1898-Ն (-8,690.7), դեկտեմբերի 2-ի թիվ 1960-Ն (-111,435.6) և դեկտեմբերի 17-ի թիվ 2062-Ն (-40,000.0) որոշումներ:
Ծրագիր 4					
4	1,600,900.0	-220,000.0	0,0	1,380,900.0	ՀՀ կառավարության 2021թ. փետրվարի 5-ի թիվ 143-Ն (-98,710.0), 2021թ. մարտի 18-ի թիվ 371-Ն (-201,290.0) և դեկտեմբերի 16-ի թիվ 2061-Ն (+80,000.0) որոշումներ:
Ծրագիր 5					
5	8,085,156.6	+103,518.3	+119,894.1	8,308,569.0	ՀՀ կառավարության 2021թ. հունիսի 4-ի թիվ 914-Ն (+31.0), սեպտեմբերի 24-ի թիվ 1568-Ն (-15,606.1), նոյեմբերի 18-ի թիվ 1908-Ն (+119,093.1) որոշումներ և վերադասի կողմից սահմանված կարգով ՀՀ ֆինանսների նախարարության ծանուցմամբ (+119,894.4):
Ծրագիր 6					
6	1,810,483.2	-217,460.7	0,0	1,593,022.5	ՀՀ կառավարության 2021թ. նոյեմբերի 18-ի թիվ 1908-Ն (-8630.3), դեկտեմբերի 9-ի թիվ 2022-Ն (-203,007.0) և դեկտեմբերի 16-ի թիվ 2164-Ն (-5,823.4) որոշումներ:

1	2	3	4	5	6
Ծրագիր 8					
7	1,784,733.0	+1,876.4	-33,840.0	1,752,769.4	ՀՀ Վարչապետի 2021թ. օգոստոսի 10-ի թիվ 975-Ն որոշում (+1876.4) և վերադասի կողմից սահմանված կարգով ՀՀ ֆինանսների նախարարության ծանուցմամբ (-33,840.0):
Ծրագիր 9					
8	2,770,649.5	+92,546.4	+12,000.0	2,875,195.9	ՀՀ կառավարության 2021թ. հունիսի 4-ի թիվ 914-Ն (+497.7), դեկտեմբերի 16-ի թիվ 2060-Ն (+23,562.4), դեկտեմբերի 16-ի թիվ 2066-Ն (+68,486.3), որոշումներ և վերադասի կողմից սահմանված կարգով ՀՀ ֆինանսների նախարարության ծանուցմամբ (+12,000.0),:
Ծրագիր 11					
9	2,625,077.0	-23,755.6	-11,243.6	2,590,077.8	ՀՀ կառավարության 2021թ. հունիսի 24-ի թիվ 1042-Ն (-5,645.0), հոկտեմբերի 10-ի թիվ 1738-Ն (-18,110.6), որոշումներ և վերադասի կողմից սահմանված կարգով ՀՀ ֆինանսների նախարարության ծանուցմամբ (-11,243.6),:
Ընդամենը՝	42,338,794.0	-1,627,313.2	86,810.5	40,798,291.3	_____

Նախարարության ԾՐԱԳՐԵՐ-ում (բացառությամբ՝ Ծրագիր 1-ի, Ծրագիր 4-ի, Ծրագիր 6-ի և Ծրագիր 7-ի) 2021թ. տարեկան ճշտված պլանի հանդեպ թերֆինանսավորումները կազմել են ընդհանուր 2,379,782.1 հազ. դրամ, որը պայմանավորված է մի շարք հանգամանքներով (տես՝ Աղյուսակ 3):

Աղյուսակ 3

Նախարարության նշված ԾՐԱԳՐԵՐ-ում ճշտված պլանի նկատմամբ
թերֆինանսավորման պատճառների

(հազ. դրամ)

Թիվ	ԾՐԱԳՐԵՐ	2021 թ. տարեկան			Տարբերության պատճառներ
		Ճշտված պլան	Ֆինանս- ավորում	Թերֆինանս- ավորում	
1	2	3	4	5	6
2	Ծրագիր 2	6,761,155.2	6,756,334.0	4,821.2	Նպաստ ստացող ուսանողների պլանավորված և փաստացի թվերի տարբերությամբ:
3	Ծրագիր 3	8,960,095.6	8,957,139.5	2,956.1	Պայմանավորված է «Պատիվ ունեն» ծրագրի մասնակից ուսանողների պլանավորված և փաստացի թվերի տարբերությամբ:

1	2	3	4	5	6
4	Ծրագիր 5	8,308,569.0	8,308,162.9	406.1	Պայմանավորված է ընթացիկ գործունեության արդյունքներով առաջացած տնտեսամասը:
5	Ծրագիր 8	1,752,769.4	1,733,511.5	19,257.9	Պայմանավորված է ԱԱՀ-ի վճարման համար նախատեսված, սակայն չօգտագործված միջոցներով:
6	Ծրագիր 9	2,875,195.9	2,832,974.3	42,221.6	
7	Ծրագիր 10	2,820,139.6	537,348.7	2,282,790.9	Թերֆինանսավորման բացատրությունը տրված է ստորև*:
8	Ծրագիր 11	2,590,077.8	2,562,749.5	27,328.3	Պայմանավորված է երկրում կորոնավիրուսի տարածման պատճառով որոշ միջոցառումների չիրականացմամբ, ինչպես նաև՝ կազմակերպություններում ձևավորված խմբերի փաստացի թվով:
Ընդամենը՝				2,379,782.1	

* Նախարարության Ծրագիր 10-ում 2021թ. տարեկան ճշտված պլանի և ֆինանսավորման միջև առաջացած 2,282,790.9 հազ. դրամի տարբերությունն ունի հետևյալ պարզաբանումը.

ՀՀ պետական բյուջեից ֆինանսավորված 537,348.7 հազ. դրամը բաշխված է միայն համաֆինանսավորման միջոցների մասով (այդ թվում՝ «Շենքերի և շինությունների կապիտալ վերանորոգում» (511300) հոդվածով՝ 482,178.94 հազ. դրամ, «Այլ մեքենաներ և սարքավորումներ» (512900) հոդվածով՝ 55,169.84 հազ. դրամ), իսկ հաշվետու ժամանակաշրջանի ճշտված պլանը՝ վարկային և համաֆինանսավորման միջոցների հանրագումարով: Ցուցանիշների համադրելիությունն ապահովելու համար ֆինանսավորման մեջ անհրաժեշտ է ներառել նաև վարկային միջոցների ֆինանսավորման ցուցանիշը, որը հաշվետու ժամանակաշրջանում կազմել է 1,684,658.6 հազ. դրամ (այդ թվում՝ «Շենքերի և շինությունների կապիտալ վերանորոգում» (511300) հոդվածով՝ 1,463,979.2 հազ. դրամ դրամ, «Այլ մեքենաներ և սարքավորումներ» (512900) հոդվածով՝ 220,679.4 հազ. դրամ) ցուցանիշը: 2021թ. ավարտին ճշտված պլանի և ֆինանսավորման իրական տարբերությունը կազմել է 598,132.3 հազ. դրամ $(2,820,139.6 - 2,222,007.3 / 237,348.7 + 1,684,658.6)$, այդ թվում՝ «Շենքերի և շինությունների կապիտալ վերանորոգում» (511300) հոդվածով 583,506.4

հազ. դրամ, «Այլ մեքենաներ և սարքավորումներ» (512900) հոդվածով՝ 14,625.9 հազ. դրամ):

Նախարարության ԾՐԱԳՐԵՐ-ում (բացառությամբ՝ Ծրագիր 1-ի, Ծրագիր 3-ի, Ծրագիր 5-ի, Ծրագիր 6-ի և Ծրագիր 7-ի) 2021թ. տարեկան ֆինանսավորման և դրամարկղային ծախսի միջև ընդհանուր տարբերությունը կազմել է 2,081,843.8 հազ. դրամ, որոնք պայմանավորված է մի շարք հանգամանքներով (տես՝ Աղյուսակ 4):

Աղյուսակ 4

Նախարարության 2021թ. նշված ԾՐԱԳՐԵՐ-ում ֆինանսավորման և դրամարկղային ծախսի տարբերությունների պատճառների

(հազ. դրամ)

Թիվ	ԾՐԱԳՐԵՐ	2021 թ. տարեկան			Տարբերության պատճառներ
		Ֆինանսավորում	Դրամարկղային ծախս	Տարբերություն	
1	Ծրագիր 2	6,756,334.0	6,744,272.9	12,061.1	Տարեվերջի ազատ մնացորդն է, որը վերադարձվել է պետական բյուջե
2	Ծրագիր 4	1,380,900.0	1,351,398.5	29,501.5	Պայմանավորված է փաստացի շահառուների թվով, որը վերադարձվել է պետական բյուջե :
3	Ծրագիր 8	1,733,511.5	1,689,039.2	44,472.3	Տարեվերջի ազատ մնացորդներն են, որոնք վերադարձվել են պետական բյուջե:
4	Ծրագիր 9	2,832,974.3	2,832,254.9	719.4	
5	Ծրագիր 10	537,348.7	2,706,426.5	2,169,077.8	Տարբերության բացատրությունը տրված է ստորև**:
6	Ծրագիր 11	2,562,749.5	2,562,269.8	479.7	Տարեվերջի ազատ մնացորդն է, որը վերադարձվել է պետական բյուջե
Ընդամենը՝				2,081,843.8	

**Հաշվեքննությամբ պարզվել է, որ Ծրագիր 10-ում 2021թ. ԾԻԳ-ի տարեկան իրական դրամարկղային ծախսը կազմել է 2,686,743.9 հազ. դրամ (վարկային միջոցներից 2,149,395.1 հազ. դրամ, համաֆինանսավորման միջոցներից՝ 537,348.8

հազ. դրամ), իսկ 19,682.8 հազ. դրամ տարբերությունը (2,706,426.7 - 2,686,743.9) պայմանավորված է վարկային միջոցների շրջանակում 2021թ. մարտի 1-ից հետո ԾԻԳ-ին պատկանող արտաթուփային 900000900317 և 900000900325 հաշիվներից ելքագրվող իրական դրամային գումարներին, որոնք փոխարկվել են արտաթուփի՝ ԿԲ-ի կողմից սահմանված առքի փոխարժեքով: 0754900000900317 և 0754900000900325 ՀՀ Գանձապետական համակարգում արտաթուփային գումարները դրամով արտացոլման հաշիվներում հաշվառվել են ԿԲ-ի կողմից նույն օրվա համար սահմանված վաճառքի փոխարժեքով (ՀՀ ֆինանսների նախարարի 30.12.2020թ. թիվ 01/7-3/19739-2020 գրություն): Ըստ այդմ, իրական դրամարկղային ծախսը ըստ «Շենքերի և շինությունների կապիտալ վերանորոգում» (511300) հոդվածի ընդամենը կազմել է 2,410,894.7 հազ. դրամ, իսկ ըստ «Այլ մեքենաներ և սարքավորումներ» (512900) հոդվածի՝ 275,849.9 հազ. դրամ: Վերոնշյալի արդյունքում 2021թ. ավարտին ֆինանսավորման և դրամարկղային ծախսի իրական տարբերությունը կազմել է 464,736.5 հազ. դրամ (2,222,007.4 - 2,686,743.9):

Նախարարության ԾՐԱԳՐԵՐ-ում 2021թ. տարեկան դրամարկղային և փաստացի ծախսի միջև ընդհանուր տարբերությունը կազմել է 300,133.8 հազ. դրամ, ընդ որում ԾՐԱԳՐԵՐ-ից թվով 4-ում (Ծրագիր 3, Ծրագիր 6, Ծրագիր 7 և Ծրագիր 8) դրամարկղային ծախսը գերազանցել են փաստացի ծախսին (ընդհանուր՝ 63,187.7 հազ.դրամով), իսկ մնացած թվով 6-ում² փաստացի ծախսը գերազանցել է դրամարկղային ծախսին ընդհանուր՝ 363,321.5 հազ. դրամով:

Նախարարության ԾՐԱԳՐԵՐ-ում 2021թ. տարեկան փաստացի և դրամարկղային ծախսերի տարբերությունները, ինչպես նաև՝ դեբիտորական և կրեդիտորական պարտքերի աճերի, նվազումների համամասնությունները պայմանավորված են հետևյալ հանգամանքներով.

1. Դեբիտորական պարտքերի գծով հաշվետու ժամանակաշրջանի վերջի դրությամբ, դրամական միջոցների մնացորդների և պահեստում ապրանքանյութական պաշարների առկայությամբ, արձակուրդային գումարների վճարներով, ինչպես նաև տարվա սկզբի դեբիտորական պարտքի մարմամբ և 2021թ. դեկտեմբեր ամսվա կոմունալ վճարներով:

2. Կրեդիտորական պարտքերի գծով 2021թ. դեկտեմբեր ամսվա համար հաշվարկված, բայց 2022թ. հունվար ամսին վճարված կոմունալ ծախսերի, ինչպես նաև աշխատավարձերի, արձակուրդային վճարների և կրեդիտորական պարտքերի մարմամբ:

² Նախարարության Ծրագիր 4-ում 2021թ. տարեկան դրամարկղային և փաստացի ծախսի միջև տարբերություն չի արձանագրվել:

3. Տարեկան կնքված ուսանողնական նպաստների, սուբսիդիաների տրամադրման պայմանագրերի թվերը վերջնական համաձայնագրերով ճշգրտվել են ուսանողների (սովորողների) միջին տարեկան թվի հետ:

4 Հաշվետու ժամանակաշրջանի ավարտին առկա են կատարված աշխատանքների և մատակարարված ապրանքների դիմաց չվճարված գումարներ, որոնց վճարումները իրականացվել են հաջորդ ամսվա ընթացքում:

Նախարարության ԾՐԱԳՐԵՐ-ում 2021թ. տարեկան դրամարկղային և փաստացի ծախսերի, ինչպես նաև դեբիտորական և կրեդիտորական պարտքերի փոփոխությունների համամասնությունների, տարբերությունների վերաբերյալ տեղեկատվությունը ներկայացվում է ստորև (տես՝ աղյուսակ 5):

Աղյուսակ 5

Նախարարության ԾՐԱԳՐԵՐ-ում դրամարկղային և փաստացի ծախսերի, դեբիտորական և կրեդիտորական պարտքերի տարբերությունների վերաբերյալ
(հազ. դրամ)

Թիվ	ԾՐԱԳՐԵՐ	2021թ. տարեկան						
		Դրամարկղային ծախս	Փաստացի ծախս	Տարբերություն (+, -)	Դեբիտորական պարտքերի աճ, նվազում (+, -)	Կրեդիտորական պարտքերի աճ, նվազում (+, -)	Հաշվարկ (+, -)	Սյունակ 8 - Սյունակ 5 (+, -)
1	2	3	4	5	6	7	8	9
1	Ծրագիր 3	8,957,139.5	8,935,748.3	-21,391.2	+ 10,754.0	+ 2,070.0	+8,684.0	-12,707.2
2	Ծրագիր 6	1,593,022.5	1,553,489.9	-39,532.6	+ 45,436.6	+ 5,903.9	+39,532.7	+0.1
3	Ծրագիր 7	1,439,533.1	1,437,560.6	-1,972.5	+ 1,972.5	0,0	+1,972.5	0,0
4	Ծրագիր 8	1,689,039.2	1,688,747.8	-291.4	+ 291.4	0,0	+291.4	0,0
Ընդամենը՝ (Փաստացի ծախսի հանդեպ դրամարկղային ծախսի գերազանցումով)		13,678,734.3	13,615,546.6	-63,187.7	+ 58,454.5	+ 7,973.9	+50,480.6	-12,707.1

1	2	3	4	5	6	7	8	9
1	Ծրագիր 1	2,316,833.2	2,327,571.2	+10,738.0	-2,998.2	+7,739.8	-10,738.0	0,0
2	Ծրագիր 2	6,744,272.9	6,897,383.4	+153,110.5	-152,180.5	+3,803.5	-155,983.9	-2,873.4
3	Ծրագիր 4	1,351,398.5	1,351,398.5	0.0	0,0	0,0	0,0	0,0
4	Ծրագիր 5	8,308,162.9	8,490,169.2	+182,006.3	-193,141.5	-11,135.2	-182,006.3	0,0
5	Ծրագիր 9	2,832,254.9	2,833,080.3	+825.4	-825.4	0,0	- 825.4	0,0
6	Ծրագիր 10***	2,706,426.5	2,722,973.8	+16,547.3	-38,510.0	-31,624.0	-7,246.0	+9,301.3
7	Ծրագիր 11	2,562,269.8	2,562,363.8	+94.0	-954.3	-621.4	-332.9	-238.9
Ընդամենը՝ (Դրամարկղային ծախսի հանդեպ փաստացի ծախսի գերազանցումով)		26,821,618.7	27,184,940.2	+363,321.5	-388,610.0	-31,477.3	-357,132.5	+6,189.0

ԱՄԲՈՂՋԸ՝ ԾՐԱԳՐԵՐ	40,500,353.0	40,800,486.8	+300,133.8	-330,155.5	-23,503.5	-306,652.1	- 6,518.3
-----------------------------	--------------	--------------	------------	------------	-----------	------------	-----------

*** Նախարարության Ծրագիր 10-ում, չնայած փաստացի և դրամարկղային ծախսի միջև արձանագրվել է 16,547.3 հազ. դրամի տարբերություն, 2021թ. ավարտին նշված ցուցանիշի իրական տարբերությունը կազմել է 36,229.8 հազ. դրամ (2,722,973.8 - 2,686,744.0) և այն վերաբերում է «Շենքերի և շինությունների կապիտալ վերանորոգում» (511300) հոդվածին՝ պայմանավորված հետևյալ հանգամանքներով.

1) Համաձայն կապալառուների հետ կնքված պայմանագրերի հաշվետու ժամանակաշրջանի ընթացքում կատարված աշխատանքների կատարողական ակտերից համամասնորեն մարվել են 2019թ. փոխանցված կանխավճարային գումարները, ինչպես նաև՝ կապալառուների կողմից ներկայացրած յուրաքանչյուր կատարողական ակտի գումարից պահվել է երաշխիքային գումար 5%-ի չափով մինչև հիմնանորոգման աշխատանքների վերջնական ավարտը;

2) Հաշվետու ժամանակաշրջանի ավարտին առկա են կատարված աշխատանքների դիմաց չվճարած գումարներ, որոնց վճարումները իրականացվելու են հաջորդող ժամանակաշրջանի ընթացքում:

Նախարարության ԾՐԱԳՐԵՐ-ի 2021թ. տարեկան ամփոփ կատարողականը կազմել է 99,3 %, իսկ տարեկան պլանի մնացորդը հանրագումարով կազմել է 2,379,782.1 հազ. դրամ (տես՝ Աղյուսակ 6):

Աղյուսակ 6

Նախարարության ԾՐԱԳՐԵՐ- ի 2021թ. կատարողականների և տարեկան պլանի մնացորդների վերաբերյալ

ԾՐԱԳՐԵՐ	Կատարողականներ (%)	Պլանի մնացորդ (հազ. դրամ)	ԾՐԱԳՐԵՐ	Կատարողականներ (%)	Պլանի մնացորդ (հազ. դրամ)
Ծրագիր 1	100.0	0.0	Ծրագիր 7	100.0	0.0
Ծրագիր 2	99.8	4,821.2	Ծրագիր 8	96.4	19,257.9
Ծրագիր 3	100.0	2,956.1	Ծրագիր 9	98.5	42,221.6
Ծրագիր 4	97.9	0.0	Ծրագիր 10	96.0	2,282,790.9
Ծրագիր 5	100.0	406.1	Ծրագիր 11	98.9	27,328.3
Ծրագիր 6	100.0	0.0	Ծրագիր 12	100.0	0.0
Ընդամենը՝ ԾՐԱԳՐԵՐ				99.3	2,379,782.1

4. ՀԱՇՎԵՔՆՆՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐ

Նախարարությունից պահանջվել է տեղեկատվության տրամադրում, որի ուսումնասիրությամբ, ինչպես նաև օգտվելով ՀՀ ֆինանսների նախարարության գանձապետական վճարահաշվարկային էլեկտրոնային («LSFINANCE» և «LSREP») համակարգերի շտեմարաններից և հասանելի այլ պաշտոնական աղբյուրներից ստացվել է բավարար տեղեկատվություն սույն հաշվեքննությունն իրականացնելու համար:

Հաշվի առնելով այն հանգամանքը, որ 2021թ. տարեկան ՀՀ պետական բյուջեի տարեկան հաշվեքննության իրականացման համար դիտարկվել են նախատեսված ծրագրերի և միջոցառումների մասով հաշվետու ժամանակահատվածի բյուջեի կատարողականները, հաշվեքննության ժամանակ կարևորվել է ՀՀ կառավարություն ներկայացրած բյուջեի կատարողականի վերաբերյալ հաշվետվություններում բերված ցուցանիշներով փաստացի կատարվածի իրական ծավալների ընդգրկելու խնդիրները:

Նախարարության 2021 թվականի ՀՀ պետական բյուջեի տարեկան մուտքերի ձևավորման և ելքերի իրականացման կանոնակարգված գործունեության նկատմամբ իրականացված հաշվեքննության ընթացքում էական խեղաթյուրումներ չեն հայտնաբերվել, իսկ հայտնաբերված խեղաթյուրումները համատարած չեն ու հաշվեքննության առարկային վերաբերող հաշվետվությունները էականորեն խեղաթյուրված չեն:

Հաշվեքննության արդյունքում արձանագրվել է հետևյալը.

1. ՀՀ ֆինանսների նախարարության ամփոփագրերում (այսուհետ՝ Շտեմարան) և Նախարարությունից ստացված համապատասխան ցուցանիշների միջև առկա են խեղաթյուրումներ (տես՝ 7.1 և 7.2):

2. Նախարարության ՊՈԱԿ-ների կողմից հաշվապահական հաշվառումը հաշվապահական ծրագրի (այսուհետ՝ ՀԾ) շրջանակներում վարման պայմաններում առկա են անհամապատասխանություններ (տես՝ 6.1 ենթակետ):

3. Նախարարության ՊՈԱԿ-ների կողմից ներկայացվող տեղեկատվությունը չի համապատասխանում սահմանված ձևաչափին և ֆինանսական ելակետային տվյալների միջև առկա են խեղաթյուրումներ (տես՝ 6.11 ենթակետեր):

4. Նախարարության ՊՈԱԿ-ների կողմից գնումները կատարվել են իրավակարգավորումների պահանջների հետ անհամապատասխանությունների առկայությամբ (տես՝ 6.2, 6.3, 6.4, 6.5, 6.6, 6.7, 6.8, 6.9, 6.10 և 6.11 ենթակետեր):

5. Նախարարության Ծրագիր 5-ում առկա են էական խեղաթյուրումներ ըստ սովորողների թվի ֆինանսավորման բանաձևի պահանջների հետ կապված (տես՝ 7.3, 7.4, 7.5 և 7.6 ենթակետեր):

6. Նախարարության Ծրագիր 11-ում ընդգրկված թվով 35 մարզադպրոցները, հաշվապահական հաշվառումը ՀԾ-ի համակարգով չեն վարվում, առկա են

անհամապատասխանություններ ներկայացված տվյալների մասով, դրանք թերի և ոչ լիարժեք են (տես՝ 6.12 ենթակետ):

7. Նախարարության Ծրագիր 1-ում և Ծրագիր 2-ում ընդգրկված նախնական (արհեստագործական) և միջին մասնագիտական ուսումնական հաստատությունների թվով 45 հաստատությունների թվով 125 ուսանողներ (սովորողներ) ավելի քան 30 օր անընդմեջ բացակայել են հանրապետությունից և ներառված են հեռավար և դրսեկության կարգով ուսուցումն արգելված մասնագիտությունների ցանկերում (տես՝ 6.13, 6.14, 6.15 և 6.16 ենթակետեր), առկա են անհամապատասխանություններ:

5. ՀԱՇՎԵՔՆՆՈՒԹՅԱՆ ՕՐՅԵԿՏԻ ՖԻՆԱՆՍԱԿԱՆ ՅՈՒՑԱՆԻՇՆԵՐ

Նախարարության ԾՐԱԳՐԵՐ-ի շրջանակներում 2021թ. տարեկան ընդհանուր պլանը կազմել է 42,338,794.0 հազ. դրամ, ճշտված տարեկան պլանը՝ 40,798,291.3 հազ. դրամ, տարբերությունը՝ 1,540,502.7 հազ. դրամը, հիմնավորված է ՀՀ կառավարության որոշումներով 1,627,313.2 հազ. դրամի ընդհանուր նվազեցումներով, ինչպես նաև սահմանված կարգով 86,810.5 հազ. դրամի ընդհանուր ավելացումներով՝ վերադասի կողմից վերաբաշխման միջոցով: Նախարարության ԾՐԱԳՐԵՐ-ի 2021թ. տարեկան ֆինանսական ամփոփ ցուցանիշները տրված են Աղյուսակ Աղյուսակ 7-ում:

Աղյուսակ 7

Նախարարության 2021 թվականի տարեկան ամփոփ ֆինանսական ցուցանիշներ

(հազ. դրամ)

Ծրագրային բյուջետային ֆինանսա- վորման անվանումը, (ծածկագիրը)	2021թ. տարեկան պլան	Փոփոխություններ տարեկան պլանում (+, -)		2021թ. տարեկան ճշտված պլան	2021թ. տարեկան						
		ՀՀ կառավարու- թյան կողմից	Վերադասի կողմից		2021թ. ինն ամիսների պլան	Փոփոխություններ 2021թ. տարեկան պլանում (+, -)		2021թ. ինն ամիսների ճշտված պլան	Փաստացի ֆինանսավորում	Դրամարկային ծախս	Փաստացի ծախս
						ՀՀ կառավար- ւթյան կողմից	Վերադասի կողմից				
Նախարա- րություն (104010)	74,230,901.6	-1,930,093.5	-1,037.0	72,299,771.1	35,516,875.6	269,947.9	-1,037.0	35,785,786.5	31,756,491.4	31,312,064.4	32,657,098.2

ԾՐԱԳՐԵՐ	Ճշտված պլան	Ֆինանսավորում			Դրամարկային ծախս			Փաստացի ծախս		
		Ընդամենը	Տեսակարար կշիռը ԾՐԱԳՐԵՐ - ի ֆինանսավորման» մեջ (%)	Տեսակարար կշիռը Նախարարության «Ֆինանսավորման» մեջ (%)	Ընդամենը	Տեսակարար կշիռը ԾՐԱԳՐԵՐ - ի «Դրամարկային ծախսեր»-ի մեջ (%)	Տեսակարար կշիռը Նախարարության «Դրամարկային ծախսեր»-ի մեջ (%)	Ընդամենը	Տեսակարար կշիռը ԾՐԱԳՐԵՐ - ի «Փաստացի ծախսեր» - ի մեջ (%)	Տեսակարար կշիռը Նախարարության «Փաստացի ծախսեր» - ի մեջ (%)
1	2	3	4	5	6	7	8	9	10	11
Ծրագիր 1	2,316,833.2	2,316,833.2	6.0	3.3	2,316,833.2	5.7	3.3	2,327,571.2	5.7	3.3
Ծրագիր 2	6,761,155.2	6,756,334.0	17.6	9.7	6,744,272.9	16.7	9.6	6,897,383.4	16.9	9.8

1	2	3	4	5	6	7	8	9	10	11
Ծրագիր 3	8,960,095.6	6,756,334.0	23.3	12.8	8,957,139.5	22.1	12.8	8,935,748.3	21.9	12.6
Ծրագիր 4	1,380,900.0	6,756,334.0	3.6	2.0	1,351,398.5	3.3	1.9	1,351,398.5	3.3	1.9
Ծրագիր 5	8,308,569.0	6,756,334.0	21.6	11.9	8,308,162.9	20.5	11.9	8,490,169.2	20.8	12.0
Ծրագիր 6	1,593,022.5	6,756,334.0	4.1	2.3	1,593,022.5	3.9	2.3	1,553,489.9	3.8	2.2
Ծրագիր 7	1,439,533.1	6,756,334.0	3.7	2.1	1,439,533.1	3.6	2.1	1,437,560.6	3.5	2.0
Ծրագիր 8	1,752,769.4	6,756,334.0	4.5	2.5	1,689,039.2	4.2	2.4	1,688,747.8	4.1	2.4
Ծրագիր 9	2,875,195.9	6,756,334.0	7.4	4.1	2,832,254.9	7.0	4.1	2,833,080.3	6.9	4.0
Ծրագիր 10	2,820,139.6	6,756,334.0	1.4	0.8	2,706,426.5	6.7	3.9	2,722,973.8	6.7	3.9
Ծրագիր 11	2,590,077.8	6,756,334.0	6.7	3.7	2,562,269.8	6.3	3.7	2,562,363.8	6.3	3.6
ԸՆԴԱՄԱՆՆԸ՝	40,798,291.3	6,756,334.0	100.0	54.9	40,500,353.0	100.0	57.9	40,800,486.8	100.0	57.7

6. ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ՎԵՐԱԲԵՐՅԱԼ ԳՐԱՌՈՒՄՆԵՐ

Ի պատասխան ՀՀ հաշվեքննիչ պալատի հարցման՝ Նախարարությունից ապրիլի 7-ի թիվ 01/17.2/7680-2022 գրությամբ ստացվել են պահանջվող տեղեկությունները, իսկ հաշվեքննողների հարցումներին Նախարարության գլխավոր քարտուղարի կողմից պատասխան գրություններով տրամադրվել են ըստ համապատասխան ծրագրային կետերի ներկայացվող պարզաբանումները: ՀՀ հաշվեքննիչ պալատի 2022թ. ապրիլի 11-ի թիվ ՀՊԵ-ԵՍ-84 գրությամբ ներկայացված հաշվեքննության արձանագրության վերաբերյալ Նախարարության 2022թ. ապրիլի 25-ի 01/17.2/2255-2022 գրությամբ (այսուհետ՝ Գրություն) ստացվել են առարկություններ, պարզաբանումներ ու մեկնաբանություններ:

Նախարարության ԾՐԱԳՐԵՐ-ի 2021թ. տարեկան հաշվեքննությամբ պարզվել է, որ.

6.1 Նախարարության 2021թ. տարեկան Ծրագիր 1-ում ընդգրկված թվով 2 («Աշտարակի արհեստագործական պետական ուսումնարան» և «Հրազդանի արհեստագործական պետական ուսումնարան») ՊՈԱԿ-ների կողմից հաշվապահական հաշվառումը հաշվապահական ծրագրի (այսուհետ՝ ՀԾ) շրջանակներում առանձնացված չի վարվել, սինթետիկ և անալիտիկ մակարդակներում պետական բյուջեից ֆինանսավորման հետ մեկտեղ ներառվել են նաև արտաբյուջետային միջոցները (ուսման վարձեր և այլն): Առկա է անհամապատասխանություն ՀՀ ֆինանսների նախարարի 2014թ. հոկտեմբերի 24-ի «ՀՀ հանրային հատվածի կազմակերպությունների հաշվապահական հաշվառման ստանդարտը հաստատելու մասին» թիվ 725-Ն հրամանի Հավելվածի 5-րդ բաժնի 5.8-5.11 կետերի պահանջների հետ:

Հաշվեքննության օբյեկտի արձագանքը. (Առարկություն) «ՀՀ ֆինանսների նախարարության գանձապետական համակարգում նախարարության ենթակայության կազմակերպությունները ունեն մեկ դրամային հաշիվ և հաշվում ներառվում են ինչպես բյուջեից, այնպես էլ արտաբյուջեից ստացված ֆինանսական միջոցները: Եթե մուտքային մասով այդ երկու միջոցները գանձապետական հաշվում ու ՀԾ-ում առանձնացված վարվում է, ապա ծախսային մասում ՀՀ ֆինանսների նախարարի կողմից հաստատված նախահաշիվը չի նախատեսում տարանջատում՝ բյուջե, արտաբյուջե և այլն»:

Հաշվեքննողների մեկնաբանությունը. «Նախարարության ներկայացրած առարկությունը չի ընդունվում»:

6.2 Նախարարության Ծրագիր 1-ում ընդգրկված «Աշտարակի արհեստագործական պետական ուսումնարան» ՊՈԱԿ-ի կողմից գնումները կատարվել են բացառապես «Մեկ անձից գնում» ընթացակարգով: «Գնումների մասին» ՀՀ օրենքի 23-րդ հոդվածի 1-ին մասի 4-րդ կետի համաձայն կատարվել է գնում ընդամենը թվով 36 չափաբաժնով, 318.0 հազ. դրամի չափով: Բացակայում են գնման նպատակով կատարված գործողությունների և դրանց հիմքերի վերաբերյալ էլեկտրոնային փաստաթղթերը, մասնավորապես՝ մասնակիցներին ուղարկված հրավերները: Առկա են անհամապատասխանություններ «Գնումների մասին» ՀՀ օրենքի (այսուհետ՝ Օրենք) 9-

որ հոդվածի 3-րդ մասի և ՀՀ կառավարության 2017 թվականի մայիսի 4-ի «Գնումների գործընթացի կազմակերպման կարգը հաստատելու և ՀՀ կառավարության 2011 թվականի փետրվարի 10-ի թիվ 168 –Ն որոշումն ուժը կորցրած ճանաչելու մասին» 526-Ն որոշման (այսուհետ՝ Որոշում 1) 7-րդ բաժնի 34-րդ կետի 2-րդ ենթակետի պահանջների հետ:

Հաշվեքննության օբյեկտի արձագանքը «Բացակայում է»:

6.3 Նախարարության Ծրագիր 1-ում ընդգրկված «Հրազդանի արհեստագործական պետական ուսումնարան» ՊՈԱԿ-ի կողմից Օրենքի 23-րդ հոդվածի 1-ին մասի 4-րդ կետի համաձայն կատարվել է գնում ընդամենը թվով 183 չափաբաժնով՝ 842.6 հազ. դրամի չափով: Բացակայում են գնման նպատակով կատարված գործողությունների և դրանց հիմքերի վերաբերյալ էլեկտրոնային փաստաթղթերը, մասնավորապես՝ մասնակիցներին ուղարկված հրավերները: Առկա է անհամապատասխանություն Օրենքի 9-րդ հոդվածի 3-րդ մասի և Որոշում 1-ի 7-րդ բաժնի 34-րդ կետի 2-րդ ենթակետի պահանջների հետ:

6.4 Նախարարության Ծրագիր 1-ում ընդգրկված «Հրազդանի արհեստագործական պետական ուսումնարան» ՊՈԱԿ-ը «Procurement.am» տեղեկագրում (այսուհետ՝ Տեղեկագիր) չի հրապարակվել հանձնաժողովի քարտուղարի և հանձնաժողովի՝ հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված տարբերակները: Առկա է անհամապատասխանություն Որոշում 1-ի 7-րդ բաժնի 43-րդ կետի 2-րդ ենթակետի պահանջների հետ:

6.5 Նախարարության Ծրագիր 1-ում ընդգրկված «Հրազդանի արհեստագործական պետական ուսումնարան» ՊՈԱԿ-ը Գնումների պլանում լրացված 17 չափաբաժնով գնման առարկաների գնումների միասնական անվանացանկով սահմանված միջանցիկ ծածկագիրը չի լրացրել անվանացանկի 4-րդ մակարդակին համապատասխան: Առկա է անհամապատասխանություն ՀՀ կառավարության 2017 թվականի ապրիլի 13-ի «Գնումների պլանի ձևը, դրա լրացման, հաստատման և հրապարակման կարգը հաստատելու մասին» 390-Ն որոշման (այսուհետ՝ Որոշում 2) 3-րդ հավելվածի 2-րդ բաժնի 2-րդ կետի 1-ին ենթակետի պահանջների հետ:

Հաշվեքննության օբյեկտի արձագանքը. (Բացառություն) ««Հրազդանի արհեստագործական պետական ուսումնարան» ՊՈԱԿ-ի կողմից տրվել է պարզաբանում այն մասին, որ գնումների վերաբերյալ արձանագրված բացթողումները զուտ տեխնիկական բնույթի են և ընթացակարգային: Դրանք առաջիկայում հաշվի կառնվեն նոր գնումներ կատարելիս»:

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել է բացատրություն»:

6.6 Նախարարության 2021թ. տարեկան Ծրագիր 2-ում ընդգրկված «Երևանի Առնո Բաբաջանյանի անվան պետական երաժշտամանկավարժական քոլեջ» ՊՈԱԿ-ի կողմից Օրենքի 23-րդ հոդվածի 1-ին մասի 4-րդ կետի համաձայն՝ «Մեկ անձից գնում» ընթացակարգով կատարվել է գնում ընդամենը թվով 191 չափաբաժնով, 6,654.5 հազ. դրամի չափով: Առկա չեն գնման նպատակով կատարված գործողությունների և դրանց հիմքերի վերաբերյալ էլեկտրոնային փաստաթղթերը, մասնավորապես՝

մասնակիցներին ուղարկված հրավերները: Տեղեկագրում չի հրապարակվել հանձնաժողովի քարտուղարի և հանձնաժողովի՝ հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված տարբերակները: Առկա են անհամապատասխանություններ Օրենքի 9-րդ հոդվածի 3-րդ մասի և Որոշում 1-ի 7-րդ բաժնի 34-րդ կետի 2-րդ ենթակետի և 43-րդ կետի 2-րդ ենթակետի պահանջների հետ:

Հաշվեքննության օբյեկտի արձագանքը. (Բացադրություն) ««Երևանի Առնո Բաբաջանյանի անվան պետական երաժշտական քոլեջ» ՊՈԱԿ-ի կողմից տրվել է բացադրություն այն մասին, որ ՊՈԱԿ-ի կողմից գնման նպատակով մասնակիցներին ուղարկված հրավերները չեն պահպանվել էլեկտրոնային եղանակով և «Գնումների մասին» ՀՀ օրենքի 9-րդ հոդվածի 3-ին մասի և ՀՀ կառավարության 2017 թ. մայիսի 4-ի թիվ 526-Ն որոշման N 1 հավելվածով հաստատված Գնումների գործընթացի կազմակերպման կարգի 7-րդ բաժնի 34-րդ կետի 2-րդ ենթակետի և 43-րդ կետի 2-րդ ենթակետի պահանջները հետապնդող կիրականացվեն:»

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են բացատրություններ:»

6.7 Նախարարության 2021թ. տարեկան Ծրագիր 2-ում ընդգրկված «Երևանի Ռոմանոս Մելիքյանի պետական երաժշտական քոլեջ» ՊՈԱԿ-ի կողմից Օրենքի 23-րդ հոդվածի 1-ին մասի 4-րդ կետի համաձայն՝ «Մեկ անձից գնում» ընթացակարգով կատարվել է գնում ընդամենը թվով 193 չափաբաժնով, 16,616.9 հազ. դրամի չափով: Առկա չեն մասնակիցների գնային առաջարկները, գնման նպատակով կատարված գործողությունների և դրանց հիմքերի վերաբերյալ էլեկտրոնային փաստաթղթերը, մասնավորապես՝ մասնակիցներին ուղարկված հրավերները: Բացակայում են պատասխանատու ստորագրածանման կողմից կազմված և հաստատված գնման հայտերը, գնահատող հանձնաժողովի գործառույթը, Տեղեկագրում չի հրապարակվել հանձնաժողովի քարտուղարի և հանձնաժողովի՝ հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված տարբերակները: Առկա են անհամապատասխանություններ Օրենքի 9-րդ հոդվածի 3-րդ մասի և Որոշում 1-ի 3-րդ բաժնի 11-րդ կետի 1-ին ենթակետի, 10-րդ բաժնի 73-րդ կետի, 7-րդ բաժնի 34-րդ կետի 2-րդ ենթակետի և 43-րդ կետի 2-րդ ենթակետի պահանջների հետ:

Հաշվեքննության օբյեկտի արձագանքը. (Պարզաբանում) ««Երևանի Ռոմանոս Մելիքյանի անվան պետական երաժշտական քոլեջ» ՊՈԱԿ-ը «Մեկ անձից գնում» ընթացակարգերը կատարել է «Գնումների մասին» ՀՀ օրենքի 23-րդ հոդվածի 4-րդ կետի հիմքով՝ կազմելով և հաստատելով գնման պայմանագրերը, ինչպես նաև հանձնման-ընդունման արձանագրություններն ու պայմանագրի արդյունքը Գնորդին հանձնելու փաստը ֆիքսելու վերաբերյալ ակտերը: «Գնումների մասին» ՀՀ օրենքի 3-րդ մասի համաձայն՝ ՊՈԱԿ-ը ապահովել է գնման նպատակով կատարված նշված բոլոր գործողությունների և դրանց հիմքերի մասին համապատասխան փաստաթղթերի առկայությունը և դրանց պահպանումը, բացառությամբ էլեկտրոնային փաստաթղթերի, քանի որ այդպիսիք չեն եղել: «Գնումների մասին» ՀՀ օրենքի և ՀՀ կառավարության 2017 թվականի մայիսի 4-ի «Գնումների գործընթացի կազմակերպման» կարգը հաստատելու և ՀՀ կառավարության 2011 թվականի փետրվարի 10-ի N 168-Ն որոշումն ուժը կորցրած ճանաչելու մասին» 526-Ն որոշման՝ ձեր կողմից

արձանագրված բոլոր անհամապատասխանությունները վերաբերվում են այն բանին, որ պատասխանատու ստորաբաժանման կողմից չեն կազմվել գնման հայտերը և հնարավոր մասնակիցներին չեն ուղարկվել հրավերներ: Ինչպես նախկինում արդեն նշել ենք, 2022 թվականից սահմանված կարգով կազմվում և գնումները համակարգողին են ներկայացվում գնման հայտերը: Իսկ հնարավոր բոլոր մասնակիցներին էլեկտրոնային ձևով ուղարկվում են գնային առաջարկի օրինակելի ձևը և պայմանագրի նախագիծը: Հրապարակման ենթակա բոլոր փաստաթղթերը հրապարակվել են տեղեկագրում: «Գնումների գործընթացի կազմակերպման» Կարգի 43-րդ կետի 2-րդ ենթակետի համաձայն՝ հայտերի բացման և գնահատման նիստի ավարտից հետո ոչ ուշ, քան հաջորդող աշխատանքային օրը հանձնաժողովի քարտուղարը իր գնահատող հանձնաժողովի հայտերի բացման նիստին ներկա անդամների կողմից ստորագրված շահերի բախման բացակայության մասին հայտարարությունների բնօրինակներից արտատպված (սկանավորված) տարբերակները հրապարակում է տեղեկագրում, բացառությամբ սույն կարգի 23-րդ կետի 4-րդ ենթակետով հաստատված ցանկի 1-ին, 2-րդ, 3-րդ, 4-րդ և 20-րդ կետերի հիման վրա կատարվող գնումների: Գնահատող հանձնաժողովի այն անդամները, ովքեր հանձնաժողովի աշխատանքներին մասնակցում են հայտերի բացման նիստից հետո հրավիրվող նիստերին, ստորագրում են սույն ենթակետում նախատեսված հայտարարությունները, որոնք տեղեկագրում քարտուղարը հրապարակում է ստորագրմանը հաջորդող աշխատանքային օրը: Նշվածը վերաբերվում է մրցակցային ընթացակարգերին, քանի որ գնումների բազային միավորը չգերազանցող գումարի դեպքում մեկ անձից գնում կատարելու ժամանակ գնահատող հանձնաժողով չի ձևավորվում և հայտերի ներկայացում չի պահանջվում, իսկ շահերի բախման բացակայության մասին հայտարարությունը ստորագրում են գնահատող հանձնաժողովի անդամները և քարտուղարը: ՊՈԱԿ-ը կազմակերպել է միայն մեկ մրցակցային ընթացակարգ (Գնանշման հարցում)՝ «ՌՄ-ԳՀԱՊՁԲ-21/01» ծածկագրով, իսկ գնահատող հանձնաժողովի կողմից ստորագրված շահերի բախման բացակայության մասին հայտարարությունը հրապարակվել է տեղեկագրում հայտերի բացման նիստի ավարտին հաջորդող աշխատանքային օրը՝ 2021 թվականի նոյեմբերի 24-ին:»

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են պարզաբանումներ, որոնք հաստատում են հաշվեքննողների արձանագրվածը, չեն վերաբերում արձանագրվածի բովանդակությանը և պարունակում են իրավակարգավորումների տարընթերցումներ»:

6.8 Ծրագիր 8-ի «Վանաձորի Հ. Աբելյանի անվան պետական դրամատիկական թատրոն» ՊՈԱԿ-ի գնման գործընթացում թվով 1 չափաբաժնով ՎՊԴԹ-ՄԱԱՊՁԲ-21/13 ծածկագրով կատարված 300.0 հազ. դրամի գնումը (20 զույգ կոշիկ) պլանավորված չի եղել հրապարակված գնման պլանով: Առկա է անհամապատասխանություն Որոշում 1-ի 4-րդ բաժնի 16-րդ կետի պահանջների հետ:

Հաշվեքննության օբյեկտի արձագանքը. (Պարզաբանում) «...ՎՊԴԹ-ՄԱԱՊՁԲ-21/13 ծածկագրով գնման ընթացակարգի արդյունքում ձեռքբերված 20 զույգ կոշիկները ներառված չեն եղել 2021թ. գնումների պլանում, քանի որ գնումը կատարվել է խիստ հրապապ, իսկ մատակարարի կողմից առանց ժամկետների վերաբերյալ փոխհամաձայնության գալու դուրս է գրվել հաշիվ-ապրանքագիր, որը նկատել ենք ուշ և հնարավոր չի եղել կատարել համապատասխան ուղղում:»:

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել է պարզաբանումներ:»:

6. 9 Ծրագիր 8-ի «Վանաձորի Հ. Արելյանի անվան պետական դրամատիկական թատրոն» ՊՈԱԿ-ի մեկ անձից գնման ընթացակարգերը կազմակերպելիս՝ հնարավոր մասնակիցներին հարցումները կատարվել են ոչ էլեկտրոնային սկզբունքով /տարբերակով/, դրանք կատարվել են փաստաթղթային ձևով: Առկա է անհամապատասխանություն Որոշում 1-ի 7-րդ բաժնի 34-րդ կետի 2-րդ ենթակետի պահանջների հետ:

Հաշվեքննության օբյեկտի արձագանքը. (Պարզաբանում) «Մեկ անձից գնման ընթացակարգերը կազմակերպելիս հնարավոր մասնակիցներին հարցումները կատարվել են ոչ էլեկտրոնային սկզբունքով, այլ՝ փաստաթղթային ձևով, քանի որ հնարավոր մասնակիցների մեծամասնությունը խուսափում է և/կամ չի տիրապետում գնման ընթացակարգերին մասնակցելու սկզբունքներին, ինչ էլ առաջացնում է ապրանքների ձեռքբերման ժամկետների ուշացման խնդիրներ: Հաշվի առնելով վերոգրյալը՝ մասնակիցների հետ հարցումները կատարվել են և բանավոր, և փաստաթղթային ձևով:»:

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել են պարզաբանումներ:»:

6.10 Ծրագիր 8-ի «Երևանի կամերային պետական թատրոն» ՊՈԱԿ-ի գնման գործընթացում թվով 1 չափաբաժնով Բ 4769290720 ծածկագրով կատարված 173.8 հազ. դրամի գնումը պլանավորված չի եղել հրապարակված գնման պլանով: Առկա է անհամապատասխանություն Որոշում 1-ի 4-րդ բաժնի 16-րդ կետի պահանջների հետ:

Հաշվեքննության օբյեկտի արձագանքը. (Պարզաբանում) «Գնումների տարեկան պլանի գումարում թվով 1 չափաբաժնով Բ 4769290720 ծածկագրով կատարված 173.8 հազ. դրամի գնումը վրիպմամբ չի եղել հրապարակված / պլանի ճշգրտում չի տրվել և մեյլով չի ուղարկվել:»:

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել են պարզաբանումներ:»:

6.11 Ծրագիր 8-ի «Երևանի կամերային պետական թատրոն» ՊՈԱԿ-ի մեկ անձից գնման բոլոր ընթացակարգերը կազմակերպելիս՝ հնարավոր մասնակիցներին հարցումները կատարվել են ոչ էլեկտրոնային սկզբունքով, դրանք կատարվել են փաստաթղթային ձևով: Առկա է անհամապատասխանություն Որոշում 1-ի 7-րդ բաժնի 34-րդ կետի 2-րդ ենթակետի պահանջների հետ:

Հաշվեքննության օբյեկտի արձագանքը. (Առարկություն) «ՀՀ կառավարության «Գնումների գործընթացի կազմակերպման մասին» 526-Ն որոշման 21-րդ կետի դ ենթակետի համաձայն՝ մեկ անձից գնման դեպքում կիրառվում է էլեկտրոնային փաստը հնարավորության դեպքում:»:

Հաշվեքննողների մեկնաբանությունը. «Նախարարությունն առարկությունը չի ընդունվում, քանի որ Որոշում 1-ի 21-րդ կետի 1-ին ենթակետի «Դ» պարբերությունը վերաբերում է պատասխանատու ստորաբաժանման կողմից կազմված գնման հայտի պարունակությանը, իսկ արձանագրվածը վերաբերում է Որոշում 1-ի 7-րդ բաժնի 34-րդ կետի 2-րդ ենթակետին, ըստ որի քարտուղարը՝ «Գնման ընթացակարգը թղթային եղանակով կազմակերպելու դեպքում հրավերն էլեկտրոնային եղանակով ուղարկում է

գնման ընթացակարգի հնարավոր մասնակցին (մասնակիցներին), եթե գնումը կատարվում է Օրենքի 23-րդ հոդվածով նախատեսված ընթացակարգով, իսկ . . .»:

6.12 Նախարարության Ծրագիր 11-ում ընդգրկված թվով 35 մարզադպրոցները, հաշվապահական հաշվառումը ՀԾ-ի համակարգով չեն վարում, ներկայացված տվյալները թերի և ոչ լիարժեք են: Առկա են անհամապատասխանություններ «Հանրային հատվածի հաշվապահական հաշվառման մասին» ՀՀ օրենքի 6-րդ հոդվածի, ինչպես նաև ՀՀ ֆինանսների նախարարի 2014թ. հուլիսի 23-ի «Հանրային հատվածի կազմակերպությունների կողմից հաշվապահական հաշվառման նոր համակարգին անցման ժամանակացույցը հաստատելու մասին» թիվ 463-Ն հրամանի հավելվածով սահմանված ժամկետների ու պահանջների հետ:

Հաշվեքննության օբյեկտի արձագանքը. (Բացատրություն) «Մարզադպրոցներին համակարգիչներով և ՀԾ-ի համակարգով ապահովելու հարցը մշտապես եղել է նախարարության ուշադրության կենտրոնում, և դեռևս 2019 թ. նախարարության կողմից մշակվել և ՀՀ կառավարության քննարկմանն է ներկայացվել որոշման նախագիծ, որը նախատեսում էր մարզադպրոցներին գումարներ տրամադրել ՀԾ-ի համակարգ և համակարգիչներ ձեռքբերելու համար: 2019թ. դեկտեմբերի 12-ին ՀՀ կառավարությանն է ներկայացվել համապատասխան որոշման նախագիծ, սակայն մերժվել է: Նախարարությունը կփորձի առաջիկա տարիների ընթացքում գտնել լուծումներ:»

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել է բացատրություն:»

6.13 Նախարարության Ծրագիր 1-ի ընդգրկված թվով 19 նախնական (արհեստագործական) մասնագիտական ուսումնական հաստատությունների 12 մասնագիտությամբ սովորող թվով 32 սովորողներ ներառված են եղել ՈՐՈՇՄՈՒՄ 1-ով սահմանված հեռավար ուսուցումն արգելված մասնագիտությունների ցանկում, սակայն 2021թ. տարվա ընթացքում ավելի քան 30 օր անընդմեջ բացակայել են հանրապետությունից:

Հաշվեքննության օբյեկտի արձագանքը. (Բացատրություն) «Նախարարության կողմից շրջաբերական է ուղարկվել կազմակերպություններին, ամփոփելուց հետո լրացուցիչ կներկայացվի:»

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել է հանձնարարականների վերաբերյալ տեղեկություն:»

6.14 Նախարարության Ծրագիր 1-ի ընդգրկված թվով 1 նախնական (արհեստագործական) մասնագիտական ուսումնական հաստատությունների մեկ մասնագիտությամբ սովորող թվով 1 սովորող ներառված է եղել ՈՐՈՇՄՈՒՄ 1-ով սահմանված դրսեկությամբ ուսուցումն արգելված մասնագիտությունների ցանկում, սակայն 2021թ. տարվա ընթացքում ավելի քան 30 օր անընդմեջ բացակայել է հանրապետությունից:

Հաշվեքննության օբյեկտի արձագանքը. (Բացատրություն) «Նախարարության կողմից շրջաբերական է ուղարկվել կազմակերպություններին, ամփոփելուց հետո լրացուցիչ կներկայացվի:»

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել է հանձնարարականների վերաբերյալ տեղեկություն և պարզաբանում:»

6.15 Նախարարության Ծրագիր 2-ի ընդգրկված թվով 23 միջին մասնագիտական ուսումնական հաստատությունների 18 մասնագիտությամբ սովորող թվով 84 ուսանող ներառված են եղել ՀՀ կառավարության 2008թ. հունվարի 31-ի «Նախնական մասնագիտական (արհեստագործական) և միջին մասնագիտական կրթության՝ հեռավար, դրսեկության կարգով ուսուցումն արգելված մասնագիտությունների ցանկերը հաստատելու մասին» թիվ 118-Ն որոշմամբ (այսուհետ՝ ՈՐՈՇՈՒՄ 1) հեռավար ուսուցումն արգելված մասնագիտությունների ցանկում, սակայն 2021թ. տարվա ընթացքում ընդհանուր ավելի քան 30 օր անընդմեջ բացակայել են հանրապետությունից:

Հաշվեքննության օբյեկտի արձագանքը. *(Բացադրություն) «Նախարարության կողմից շրջաբերական է ուղարկվել կազմակերպություններին, ամփոփելուց հետո լրացուցիչ կներկայացվի:»*

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են հանձնարարականների վերաբերյալ տեղեկություն և պարզաբանում:»

6.16 Նախարարության Ծրագիր 2-ի ընդգրկված թվով 8 միջին մասնագիտական ուսումնական հաստատությունների թվով 2 մասնագիտությամբ սովորող թվով 27 անձ ներառված է եղել ՈՐՈՇՈՒՄ 1-ով դրսեկությամբ ուսուցումն արգելված մասնագիտությունների ցանկում, սակայն 2021թ. տարվա ընթացքում ընդհանուր ավելի քան 30 օր անընդմեջ բացակայել են հանրապետությունից:

Հաշվեքննության օբյեկտի արձագանքը. *(Բացադրություն) «Նախարարության կողմից շրջաբերական է ուղարկվել կազմակերպություններին, ամփոփելուց հետո լրացուցիչ կներկայացվի:»*

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են հանձնարարականների վերաբերյալ տեղեկություն և պարզաբանում:»

7. ԽԵՂԱԹՅՈՒՐՈՒՄՆԵՐԻ ՎԵՐԱԲԵՐՅԱԼ ԳՐԱՌՈՒՄՆԵՐ

7.1 ՀՀ ֆինանսների նախարարության ամփոփագրերում (այսուհետ՝ Շտեմարան) և Նախարարությունից ստացված համապատասխան ցուցանիշների միջև առկա են Ծրագիր 1-ի մասով՝ 85 սովորողի, Ծրագիր 2-ի մասով՝ 1586 ուսանողի, իսկ Ծրագիր 5-ի մասով՝ թվով 6966 աշակերտների գծով խեղաթյուրումներ:

Հաշվեքննության օբյեկտի արձագանքը.

• Ծրագիր 1-ի մասով՝ (Առարկություն) «6455-ը դա Նախնական մասնագիտական (արհեստագործական) կրթության գծով սովորողների միջին թվաքանակն է, որը հաշվարկված է համաձայն Բանաձևի, իսկ Շտեմարանում երևում է տվյալ պահին առկա փաստացի սովորողների թվաքանակը, որը կարող է տարբեր լինել միջին տարեկան թվաքանակից»:

• Ծրագիր 2-ի մասով՝ (Պարզաբանում) «18890-ը դա Միջին մասնագիտական կրթության գծով սովորողների միջին թվաքանակն է, որը հաշվարկված է համաձայն Բանաձևի, իսկ Շտեմարանում երևում է տվյալ պահին առկա փաստացի սովորողների թվաքանակը, որը կարող է տարբեր լինել միջին տարեկան թվաքանակից: Ուսանողների միջին թվաքանակ հաշվարկման բանաձևը ՀՀ ֆինանսների նախարարության մեթոդական ցուցումների համաձայն ներկայացվող բանաձևն է, որով պլանավորվում է տարեկան բյուջեն: Այն իրավական ակտով հաստատված չէ, սակայն հիմք է հանդիսանում պետական բյուջեից ֆինանսավորման ստացման և ըստ կազմակերպությունների բաշխման համար: Ավելին, նախատեսվում է 2022-2023 թթ. մշակել և ՀՀ կառավարության քննարկմանը ներկայացնել ՆՄԿՈՒ ֆինանսավորման բանաձևը, որը ոլորտում կկարգավորի ֆինանսական հարցեր»:

• Ծրագիր 5-ի մասով՝ (Բացադրություն) «30312 աշակերտների փաստացի թիվը իրենից ներկայացնում է աշակերտների ավագ կամ միջնակարգ մակարդակ, իսկ 37278-ը՝ տարրական և ավագ կամ միջնակարգ մակարդակի աշակերտների ընդհանուր թիվն է»:

Հաշվեքննողների մեկնաբանությունը. «Նախարարության Ծրագիր 1-ի մասով ներկայացված առարկությունը չի ընդունվում, Ծրագիր 2-ի և Ծրագիր 5-ի մասերով՝ առարկություններ չեն ներկայացվել, տրվել են պարզաբանումներ և բացատրություններ, որոնք հաշվեքննողների կողմից չեն ընդունվել»:

7.2 Նախարարության Ծրագիր 2-ում, Ծրագիր 3-ում և Ծրագիր 11-ում 2021թ. տարեկան դրամարկղային և փաստացի ծախսի միջև առաջացած տարբերությունների և դեբիտորական ու կրեդիտորական պարտքի հաշվարկների միջև առկա են.

• Նախարարության Ծրագիր 2-ում 2021թ. տարեկան դրամարկղային և փաստացի ծախսի միջև առաջացած 152,180.5 հազ. դրամի և հաշվետու ժամանակաշրջանի դեբիտորական և կրեդիտորական պարտքերի հաշվարկի (155,983.9 հազ. դրամ) միջև առկա է 2,873.4 հազ. դրամի խեղաթյուրում:

• Նախարարության Ծրագիր 3-ում 2021թ. տարեկան դրամարկղային և փաստացի ծախսի միջև առաջացած 21,391.5 հազ. դրամի և հաշվետու ժամանակաշրջանի դեբիտորական և կրեդիտորական պարտքերի հաշվարկի (8,684.0 հազ. դրամ) միջև առկա է 12,707.2 հազ. դրամի խեղաթյուրում:

• Նախարարության Ծրագիր 11-ում 2021թ. տարեկան դրամարկղային և փաստացի ծախսի միջև առաջացած 94.0 հազ. դրամի և հաշվետու ժամանակաշրջանի

դեբիտորական և կրեդիտորական պարտքերի հաշվարկի (333.0 հազ. դրամ) միջև առկա է 238.9 հազ. դրամի խեղաթյուրում:

Հաշվեքննության օբյեկտի արձագանքը.

• Ծրագիր 2-ի մասով՝ (Առարկություն) «... 2,873.4 հազար դրամը հանդիսանում է պարարավետի պետական քոլեջի դեբիտորական պարտքը, որը 2022թ. տարեսկզբին ճշգրտվել է»:

• Ծրագիր 3-ի մասով՝ (Պարզաբանում) «... 2020թ. տարեկան հաշվետվության մեջ 09.04.01.02 ծրագրով եղել է տեխնիկական սիսալ, կազմակերպության տարեվերջի դեբիտորական պարտքը մնացել է 9 ամսվա ցուցանիշը, որն էլ տեղափոխվել է 2021թ. տարեսկզբ: Տարբերությունը կազմել է 12707.2 հազ դրամ և 2021թ. 1-ին եռամսյակում կատարվել է դեբիտորական պարտքի ճշգրտում»:

Ծրագիր 11-ի մասով՝ (Բացատրություն) «... Միջոցառումների տրամադրման կարգին համապատասխան որոշ գումար նախատեսվում է ըստ անհրաժեշտության նոր միջոցառում իրականացնելու կամ նախահաշվում փոփոխություն կատարելու նպատակով: Սակայն 2021 թվականին 2677.1 հազար դրամ մնացել է չբաշխված»:

Հաշվեքննողների մեկնաբանությունը. «Ծրագիր 2-ի մասով Նախարարության առարկությունը չի ընդունվում, Ծրագիր 3-ի և Ծրագիր 11-ի մասերով առարկություններ չեն ներկայացվել, տրվել են բացատրություններ»:

7.3 2020թ. տարեվերջում Ծրագիր 5-ի Շտեմարանում առկա աշակերտների փաստացի թիվը կազմել էր 36355, 2021թ. տարեսկզբին նախատեսվել է 31563, տարբերությունը՝ 4792 աշակերտ: Առկա է անհամապատասխանություն ՀՀ կրթության, գիտության, մշակույթի և սպորտի նախարարի 2021թ. հունվարի 27-ի «2021 թվականին ըստ սովորողների թվի ֆինանսավորման բանաձևի գործակիցները հաստատելու մասին» թիվ 66-Ա/2 հրամանի (այսուհետ՝ Հրաման) 4-րդ կետի պահանջների հետ:

Հաշվեքննության օբյեկտի արձագանքը. «Բացակայում է»:

7.4 Ծրագիր 5-ով Նախարարության ներկայացված տարեսկզբի հաշվարկներով և ՀՀ հաշվեքննիչ պալատի կողմից կատարված վերահաշվարկներով ՀՀ կառավարության 2006թ. օգոստոսի 24-ի թիվ 1262-Ն որոշմամբ (այսուհետ՝ ՈՐՈՇՈՒՄ) բանաձևի և Հրամանով սահմանված գործակիցների կիրառմամբ ստացված թվով 109 ավագ դպրոցների արդյունքների հանրագումարների միջև առկա է անհամապատասխանություն 199,243.7 հազ. դրամի: Նախարարության կողմից ներկայացված 9,669,437.3 հազ. դրամի ֆինանսական հաշվարկը 2021թ. Ծրագիր 5-ի տարեկան պլանի (8,085,156.6 հազ. դրամ) հանդեպ առաջացրել է 1,584,280.7 հազ. դրամի խեղաթյուրում:

Հաշվեքննության օբյեկտի արձագանքը. (Բացատրություն) «...9,669,437.3 հազ. դրամը տարրական և ավագ կամ միջնակարգ մակարդակների ֆինանսավորման ընդհանուր թիվն է, իսկ 8,085,156.6 հազ. դրամը միայն ավագ կամ միջնակարգ մակարդակի ֆինանսավորման գումարը»:

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել է պարզաբանում, որն արձանագրվածի հետ առնչություն չունի»:

7.5 Ծրագիր 5-ում ընդգրկված «Երևանի Ա. Երզնկյանի անվան թիվ 118 ավագ դպրոց» և «Երևանի թիվ 195 ավագ դպրոց» ՊՈԱԿ-ները ունեն միևնույն՝ թվով 402 աշակերտ: Ֆինանսավորումը համապատասխանաբար՝ հաշվարկվել է 105,933.0 հազ. դրամ և 110,820.4 հազ. դրամ, տարբերությունը կազմում է 4,887.4 հազ. դրամ: Միաժամանակ, թվով 401 աշակերտներ ունեցող «Երևանի Գ. Էմինի անվան թիվ 182 ավագ դպրոց» հիմնադրամը ֆինանսավորվել է 111,296.8 հազ. դրամի: «Մասիսի թիվ 5 ավագ դպրոց» և «Վաղարշապատի Մ. Խորենացու անվան թիվ 10 ավագ դպրոց» ՊՈԱԿ-ներն ունեն միևնույն թվով 222 աշակերտ, ֆինանսական հաշվարկները, համապատասխանաբար՝ 65,688.9 հազ. դրամ և 66,543.6 հազ. դրամ: «Արարատի ավագ դպրոց» և «Մեծամորի թիվ 2 ավագ դպրոց» ՊՈԱԿ-ների աշակերտների թվի տարբերությունը կազմում է 2, ֆինանսական հաշվարկների տարբերությունը՝ 9,611.6 հազ. դրամ: ՀՀ հաշվեքննիչ պալատի կողմից վերահաշվարկներով նշված դպրոցների ֆինանսավորումները կազմել են 432.7 հազ. դրամ:

Հաշվեքննության օբյեկտի արձագանքը. (Բացատրություն) ««Երևանի Ա. Երզնկյանի անվան թիվ 118 ավագ դպրոց», «Երևանի թիվ 195 ավագ դպրոց» ՊՈԱԿ-ների կամ այլ դպրոցում միևնույն թվով աշակերտների պարագայում հնարավոր է ֆինանսավորման տարբերություն, քանի որ հաշվի է առնվել նաև ՊՈԱԿ-ների տարեսկզբյան մնացորդը:»

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել է բացատրություն, որն արձանագրվածի հետ առնչություն չունի:»

7.6 Ծրագիր 5-ում ընդգրկված «Գյումրու ֆոտոն վարժարան» ՊՈԱԿ-ն ունի 890 աշակերտ, իսկ «Երևանի Բ. Ժամկոչյանի անվան թիվ 119 ավագ դպրոց» ՊՈԱԿ-ը՝ 814 աշակերտ: «Գյումրու ֆոտոն վարժարան» ՊՈԱԿ-ը 76 աշակերտով ավել է «Երևանի Բ. Ժամկոչյանի անվան թիվ 119 ավագ դպրոց» ՊՈԱԿ-ի աշակերտների թվից, սակայն ֆինանսավորվել է 36,950.7 հազ. դրամով պակաս: Միաժամանակ, նույն մոտեցմամբ հաշվարկվել է «Խ. Աբովյանի անվան Հայաստանի պետական մանկավարժական համալսարան» հիմնադրամի (886 աշակերտ) և «Երևանի Գ. Գուլբեկյանի անվան թիվ 190 ավագ դպրոց» ՊՈԱԿ-ի (786 աշակերտ) ֆինանսավորումները: «Երևանի Գ. Գուլբեկյանի անվան թիվ 190 ավագ դպրոց» ՊՈԱԿ-ը 99 աշակերտով պակաս լինելու պարագայում ֆինանսավորումը հաշվարկվել է գրեթե հավասար:

Հաշվեքննության օբյեկտի արձագանքը. (Բացատրություն) ««Գյումրու ֆոտոն վարժարան» ՊՈԱԿ-ը իր 890 աշակերտով կարող է սղանալ ավելի քիչ ֆինանսավորում քանի «Երևանի Բ. Ժամկոչյանի անվան թիվ 119 ավագ դպրոց» ՊՈԱԿ-ը 814 աշակերտով, քանի որ վարժարանի ֆինանսավորման ժամանակ չի կիրառվում ՀՀ ԿԳՄՍ նախարարի 2021 թ. հունվարի 27-ի թիվ 66-Մ/2 հրամանով սահմանված առանձին գործող ավագ դպրոցների համար սահմանված 1.2 գործակիցը: Նույնը վերաբերվում է նաև «Խ. Աբովյանի անվան պետական մանկավարժական համալսարան» հիմնադրամին:»

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել է բացատրություն, որը չի համապատասխանում իրականությանը:»

7.7 Ծրագիր 6-ի հիմնական ցուցանիշի (սովորողների միջին տարեկան թիվ)՝ ընդամենը մեկ աշակերտով նվազման և 2021թ. տարեկան փաստացի ծախսի

(1,533,489.9 հազ. դրամ) հանդեպ ֆինանսավորման (դրամարկղային ծախս) 39,532.6 հազ. դրամով գերազանցումն անհամապատասխանություն է: Նախարարության Ծրագիր 5-ում «Միջնակարգ ընդհանուր կրթության դասարանների սովորողների միջին տարեկան թիվ (մարդ)» բաղադրիչով տարեկան փաստացին 1117 աշակերտով նվազման պայմաններում՝ թվով 109 ավագ դպրոցներում տարեկան ֆինանսավորման (դրամարկղային ծախս) հանդեպ փաստացի ծախսի 182,006.3 հազ. դրամով գերազանցման և, զուգահեռ, Ծրագիր 6-ում «Սովորողների միջին տարեկան թիվ (մարդ)» բաղադրիչով տարեկան փաստացին ընդամենը մեկ աշակերտով նվազման պայմաններում՝ ընդհակառակը, թվով 10 մասնագիտացված դպրոցներում փաստացի ծախսի հանդեպ ֆինանսավորման (դրամարկղային ծախս) 39,532.6 հազ. դրամով գերազանցման համեմատումը պարունակում է հնարավոր ռիսկեր:

Հաշվեքննության օրյեկրի արձագանքը. «Բացակայում է:»

8. ՀԱՇՎԵՔՆՆՈՒԹՅԱՄԲ ԱՐՁԱՆԱԳՐՎԱԾ ԱՅԼ ՓԱՍՏԵՐ

7.1 Ծրագիր 5-ի Շտեմարանում առկա ոչ ֆինանսական, արդյունքին միտված հիմնական ցուցանիշի՝ աշակերտների միջին տարեկան թվի նվազման և 2021թ. տարեկան ֆինանսավորման (դրամարկղային ծախս) հանդեպ փաստացի ծախսի 182,006.3 հազ. դրամով գերազանցումները հիմնավորված չեն:

Հաշվեքննության օբյեկտի արձագանքը. «Ծրագիր 5-ի մասով՝ (Առարկություն) «Տարեկազմի փաստացի 30445 հիմնական ցուցանիշի (աշակերտների միջին տարեկան թիվ) համար բյուջեով հաստատված տարեկան ֆինանսական միջոցների անբավարարության պատճառով Բանաձևով հաշվարկված ֆինանսավորումը դպրոցների նախորդ տարիների տնտեսված միջոցների հաշվին որոշակի տոկոսով պակաս էր ֆինանսավորվել, իսկ տարեկազմում, չնայած 30311 ոչ ֆինանսական ցուցանիշի նվազմանը, յուրաքանչյուր դպրոցի մասով մասամբ վերականգնվել է պակաս ֆինանսավորումը (ընդհանուր հանրագումարը՝ 182,006.3 հազ. դրամ):»:

Հաշվեքննողների մեկնաբանությունը. «Նախարարության Ծրագիր 5-ի մասով առարկություն չի ներկայացվել, տրվել են բացատրություններ:»

7.2 Ծրագիր 5-ում ընդգրկված «Հայաստանի պոլիտեխնիկական համալսարան» հիմնադրամի աշակերտների և դասարանների վերաբերյալ բացակայում է տեղեկատվությունը, սակայն առկա է տարեկան ֆինանսական հաշվարկը: «Երևանի Վ. Թեքեյանի անվան թիվ 92 հիմնական դպրոց» ՊՈԱԿ-ը, հանդիսանալով հիմնական դպրոց, ներառվել է տարեկան ֆինանսական հաշվարկում, իսկ աշակերտների և դասարանների կոմպլեկտավորման մեջ բացակայում է: «Իրավական կրթության և վերականգնողական ծրագրերի իրականացման կենտրոն» ՊՈԱԿ-ն առկա է տարեկան ֆինանսական հաշվարկում, իսկ աշակերտների և դասարանների կոմպլեկտավորման մեջ բացակայում է:

Հաշվեքննության օբյեկտի արձագանքը. (Բացատրություն) «Հայաստանի պոլիտեխնիկական համալսարան» հիմնադրամի վերաբերյալ տեղեկատվությունը առկա է hashvark_hunvar1.xlsx ֆայլում, տող 34, կոմպլեկտավորումը բացակայում է տարրական և հիմնական մակարդակներում, քանի որ այդ մակարդակներում սովորողներ չկան, իսկ ավագ մակարդակում առկա է և կոմպլեկտավորում, և ֆինանսական հաշվարկ: «Երևանի Վ. Թեքեյանի անվան թիվ 92 դպրոց» տող 10, հաշվարկված են միայն տարրական և հիմնական մակարդակները, իսկ ավագ մակարդակում ֆինանսական հաշվարկ չկա, քանի որ չկան նաև սովորողներ:»:

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են բացատրություններ, որոնք չեն համապատասխանում իրականությանը և արձանագրվածի հետ առնչություններ չունեն:»

7.3 Նախարարության Ծրագիր 1-ում ընդգրկված «Աշտարակի արհեստագործական պետական ուսումնարան» ՊՈԱԿ-ի գնումների համակարգողի ծառայության մատուցման համար ԱԶ Վոլոդյա Նորայրի Գալստյանի հետ 02.03.2021թ. կնքվել է թիվ ՀՀ-ԱՄ-ԱԱՊՈՒ-ՄԱԾՁԲ-21/01 պայմանագիրը և վճարվել է 20.0 հազ. դրամ: Նույն ԱԶ-ից, 15.03.2021թ. կնքված թիվ ՀՀ-ԱՄ-ԱԱՊՈՒ-ՄԱԱՊՁԲ-21/01 պայմանագրի համաձայն՝ ՊՈԱԿ-ը ձեռք է բերել գրենական պիտույքներ ընդամենը 100.0 հազ. դրամ գումարի չափով:

Հաշվեքննության օբյեկտի արձագանքը. (Պարզաբանում) «Ըստ ՊՈԱԿ-ի պարզաբանման, գնումներ համակարգող կազմակերպության հետ գրասենյակային ապրանքների ձեռքբերման պայմանագիրը կնքվել է զուտ աշխատանքային անհրաժեշտությունից ելնելով, ամսական 8000 ՀՀ դրամի սահմաններում»:

Հաշվեքննողների մեկնաբանությունը. «Նախարարությունն առարկություն չի ներկայացրել, տրվել է պարզաբանում»:

7.4 Ծրագիր 1-ի համար սովորողների և Ծրագիր 2-ի համար ուսանողների միջին տարեկան թվի (տարեկան պլան) հաշվարկման Նախարարության ներկայացրած բանաձևի իրավակարգավորումների հիմքերը, գործակիցների, տոկոսային հավելումների, կիրառվող բացարձակ և հարաբերական տվյալները, նորմերն ու ցուցանիշները բացահայտված և հիմնավորված չեն:

Հաշվեքննության օբյեկտի պարզաբանումը. (Առարկություն) «Ուսանողների միջին թվաքանակ հաշվարկման բանաձևը ՀՀ ֆինանսների նախարարության մեթոդական ցուցումների համաձայն ներկայացվող բանաձևն է, որով պլանավորվում է տարեկան բյուջեն: Այն իրավական ակտով հաստատված չէ, սակայն հիմք է հանդիսանում պետական բյուջեից ֆինանսավորման ստացման և ըստ կազմակերպությունների բաշխման համար: Ավելին, նախատեսվում է 2022-2023 թթ. մշակել և ՀՀ կառավարության քննարկմանը ներկայացնել ՆՄԿՂԻ ֆինանսավորման բանաձևը, որը ոլորտում կկարգավորի ֆինանսական հարցեր»:

Հաշվեքննողների մեկնաբանությունը. «Նախարարության ներկայացրած առարկությունը չի ընդունվում»:

7.5 Սահմանային էլեկտրոնային կառավարման տեղեկատվական համակարգի (այսուհետ՝ ՍԵԿՏ) հետ, ինչպես նաև ՈՐՈՇՈՒՄ 1-ով սահմանված հեռավար, դրսեկության կարգով ուսուցումն արգելված մասնագիտությունների ցանկերի հետ համադրումներից պարզվեց, որ Նախարարության կողմից ներկայացված Ծրագիր 1-ի և Ծրագիր 2-ի սովորողների (ուսանողների) տվյալներով չեն նույնականացվել ընդհանուր թվով 7556 սովորողներ (ուսանողներ):

Հաշվեքննության օբյեկտի արձագանքը. (Բացադրություն) «Նախարարության կողմից շրջաբերական է ուղարկվել կազմակերպություններին, ամփոփելուց հետո լրացուցիչ կներկայացվի»:

Հաշվեքննողների մեկնաբանությունը. «Նախարարությունն առարկություններ չի ներկայացրել, տրվել են հանձնարարականների վերաբերյալ տեղեկություն»:

Հաշվեքննության արդյունքում արձանագրված թվով 16 անհամապատասխանություններից, թվով 7 խեղաթյուրումներից և թվով 5 այլ

փաստերից (ընդամենը՝ 28) հաշվեքննության օբյեկտը ներկայացրել է թվով 10 առարկություններ, որից թվով 9-ը հաշվեքննողների կողմից չեն ընդունվել, ընդունվել են՝ թվով 1-ը: Թվով 17 պարզաբանումներից և բացատրություններից թվով 11-ը հաշվեքննողների կողմից չեն ընդունվել, թվով 3-ը՝ ընդունվել են: Ներկայացված անհամապատասխանություններից և այլ փաստերից Նախարարությունը թվով 3-ի վերաբերյալ՝ արձագանքը բացակայում է:

Հաշվեքննության արձանագրության վերաբերյալ Գրությունը կցվում է (25 էջ):

9. ՀԵՏՀԱՅԱՍՏԱՆԻ ԳՈՐԾԸՆԹԱՑՆԵՐ

ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ, ԽԵՂԱԹՅՈՒՐՈՒՄՆԵՐԻ ՎԵՐԱՑՄԱՆ, ԱՌԱՋԱՐԿՈՒԹՅՈՒՆՆԵՐԻ ԻՐԱԿԱՆԱՑՄԱՆ ԵՎ ԸՆԹԱՑԻԿ ԵԶՐԱԿԱՑՈՒԹՅԱՆԸ ՎԵՐԱԲԵՐՈՂ ԱՅԼ ԳՐԱՎՈՐ ՏԵՂԵԿԱՏՎՈՒԹՅԱՆ ՏՐԱՄԱԴՐՄԱՆ ՁԵՎԱԶԱԲ

Թիվ	Առաջարկություններ	Ընդունելի է/ Ընդունելի չէ	Կատարված է/ Ընթացքում է	Հ ի մ ն ա վ ո թ ու մ ն ե Ր (Նախարարության 2022թ մարտի 19-ի թիվ 01/17.2/4968-2021 գրություն)
1	Հսկողություն սահմանել ՀՀ հաշվեքննիչ պալատի կողմից հաշվեքննության օբյեկտին տրամադրված ֆինանսական և համապատասխանության հաշվեքննության արձանագրությունների՝ «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված ժամկետների (արձանագրությունը ստանալուն հաջորդող 10 օրվա ընթացքում) պահպանման վրա:	Ընդունելի չէ	Ընթացքում է	Հաշվի առնելով պահանջվող տեղեկատվության ծավալները, բազմազանությունը (պահանջվող տեղեկատվությունը հավաքագրելուն ընդգրկված են եղել տարբեր ստորաբաժանումներ), դրանց տրամադրաման համար սահմանված սուղ ժամկետները, ինչպես նաև այն, որ պահանջվող տեղեկատվության զգալի մասը հավաքագրվել է նախարարության ենթակա ՊՈԱԿ-ներից և նախարարությունը ռեսուրսների (ժամկետային և աշխատուժի) անբավարարությամբ պայմանավորված հնարավորություն չի ունեցել ստուգել ներկայացված տեղեկատվության ամբողջականությունն ու ճշգրտությունը՝ եղել են ժամկետների ուշացման և տեղեկատվության ոչ ամբողջական ներկայացման դեպքեր: Բացի այդ, նույն տեղեկատվությունը տարբեր ձևաչափերով պահանջելը ևս առաջացրել է լրացուցիչ խնդիրներ տվյալների ամփոփման գործընթացում: Ինչևէ, տվյալների չտրամադրման, ժամկետների խախտման, ոչ ամբողջական, թերի կամ ձևաչափերին ոչ համապատասխան տրամադրման որևէ միտում նախարարությունը չի հետապնդել, և տարբեր մեկնաբանություններից խուսափելու նպատակով, հետայսու առաջարկում է տվյալներ պահանջել պաշտոնական գրությամբ՝ հստակ ներկայացնելով ձևաչափ և սահմանելով ողջամիտ ժամկետներ՝ հաշվի առնելով նախարարության բնականոն գործունեությունն ապահովելու առաջնահերթությունը:

2	Ձեռնարկել միջոցառումներ, որոնք կնպաստեն Նախարարության ենթակայության կազմակերպությունների գնումների գործընթացները համապատասխանեցնել «Գնումների մասին» ՀՀ օրենքի և հարակից նորմատիվ-իրավական ակտերի պահանջներին:	Ընդունելի չէ	Ընթացքում է	ՀՀ կառավարության 2019 թվականի հունիսի 1-ի թիվ 661-Լ որոշմամբ հաստատված ՀՀ կրթության, գիտության, մշակույթի և սպորտի նախարարության կանոնադրությամբ նախարարությունն իր ենթակայության կազմակերպությունների կողմից իրականացվող գնումների ամբողջական գործընթացների վերահսկման լիազորություն, առավել ևս՝ պարտավորություն չունի: Նման պարտավորություն ամրագրված չէ նաև ՀՀ կրթության, գիտության, մշակույթի և սպորտի նախարարի 2020 թվականի մայիսի 26-ի թիվ 26-Լ հրամանով հաստատված նախարարության գնումների վարչության կանոնադրությամբ: Համաձայն «Գնումների մասին» ՀՀ օրենքի (այսուհետ՝ Օրենք) 2-րդ հոդվածի 1-ին կետի 1-ին ենթակետի «գ», «դ», «ե», «զ» և «է» պարբերությունների՝ կազմակերպություններն ինքնուրույն են իրականացնում իրենց կարիքների համար նախատեսված ապրանքների, աշխատանքների և ծառայությունների գնման գործընթացները և, համաձայն ՀՀ կառավարության 2017թ մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 5-րդ կետի, յուրաքանչյուր գնման գործընթացի համար պատասխանատու են պատվիրատուի ղեկավարը, ինչպես նաև յուրաքանչյուրը իրեն վերապահված լիազորությունների մասով՝ գնումների համակարգողը, պատասխանատու ստորաբաժանումը և գնահատող հանձնաժողովը: Իսկ համաձայն Կարգի 6-րդ կետի 2-րդ ենթակետի՝ Օրենքի 2-րդ հոդվածի 1-ին կետի 1-ին ենթակետի «գ», «դ», «ե», «զ» և «է» պարբերություններում նշված կազմակերպություններում պատվիրատուի ղեկավարը՝ գործադիր մարմնի ղեկավարն է (տվյալ դեպքում՝ կազմակերպության տնօրենը):
3	Իրականացնել անհրաժեշտ քայլեր Նախարարության ենթակայության ՊՈԱԿ-ներում ՀԾ համակարգով հաշվապահական հաշվառման վարման լիարժեք և ամբողջական կիրառման, իսկ մարզադպրոցներում՝ ներդրման ուղղությամբ:	Ընդունելի չէ	Ընթացքում է	Հիմք ընդունելով ՀՀ հաշվեքննիչ պալատի եզրակացությունը և առաջնորդվելով ՀՀ ֆինանսների նախարարի 2015 թ. ապրիլի 9-ի թիվ 207-Ն հրամանով հաստատված «Հանրային հատվածի կազմակերպությունների հաշվապահական հաշվառման հաշվային պլան և դրա կիրառման հրահանգ»-ով՝ Նախարարությունը 2021թ. նոյեմբերի 11-ի իր N08.1/23/26274-2021 գրությամբ դիմել է նախարարության ենթական կազմակերպություններին՝ սեղմ ժամկետներում քայլեր ձեռնարկելու ՀԾ համակարգով հաշվապահական հաշվառման վարումը լիարժեք և ամբողջական ներդնելու, ինչպես նաև անալիտիկ և սինթետիկ մակարդակներում առկա անճշտությունները և սխալ ձևակերպումները շտկելու համար: Ինդիքը կայանում է նրանում, որ որոշ ՊՈԱԿ-ներում (մասնավորապես՝ մարզադպրոցներում) առկա չէ համապատասխան համակարգչային տեխնիկա, որի արդյունքում հնարավոր չի ներդնել ՀԾ հաշվապահական համակարգ: Մարզադպրոցներին

				համակարգիչներով և ՀԾ-ի համակարգով ապահովելու հարցը մշտապես եղել է նախարարության ուշադրության կենտրոնում, և դեռևս 2019 թ. նախարարության կողմից մշակվել և ՀՀ կառավարության քննարկմանն է ներկայացվել որոշման նախագիծ, որը նախատեսում էր մարզադպրոցներին գումարներ տրամադրել ՀԾ-ի համակարգ և համակարգիչներ ձեռքբերելու համար: 2019 թ. դեկտեմբերի 12-ին ՀՀ կառավարությանն է ներկայացվել համապատասխան որոշման նախագիծ, սակայն մերժվել է: Նախարարությունը կփորձի 2022 թ. ընթացքում ևս գտնել լուծումներ:
4	Ներքին վերահսկողության արդյունավետությունը բարձրացնելու նպատակով առաջարկել և սահմանել Նախարարության կողմից ՀՀ ֆինանսների նախարարության շտեմարաններ փոխանցվող ֆինանսական և արդյունքին միտված ոչ ֆինանսական տարեկան (եռամսյակային) տեղեկատվության այնպիսի նոր, առավել բնորոշ և հստակ չափորոշիչներ, որոնց կիրառմամբ հիշատակված ամփոփ ցուցանիշները, ըստ Նախարարության համապատասխան ԾՐԱԳՐԵՐ-ի կատարված ծախսերի նկատմամբ կապահովեն արժանահավատության, ճշգրտության և իրավասության ավելի բարձր մակարդակ:	Ընդունելի չէ	Ընթացքում է	ՀՀ հաշվեքննիչ պալատի կողմից մշակված և նախարարությունից պահանջվող անալիտիկ և սինթետիկ մակարդակների տվյալների ձևաչափերում ամբողջական արտացոլված չի լինում տվյալ ծրագրի մեջ ներառվող բոլոր հոդվածները: ՀՀ ֆինանսների նախարարի 2019թ. մարտի 13-ի թիվ 254-Ն հրամանով սահմանված ձևաչափերի ՊՈԱԿ-ները նախարարություն են ներկայացնում ՀՀ պետական բյուջեի ծախսերի վերաբերյալ հաշվետվություն, իսկ ՀՀ ֆինանսների նախարարի 2013 թ. փետրվարի 4-ի N 104-Ն հրամանով ՊՈԱԿ-ները նախարարություն են ներկայացնում իրենց ֆինանսական գործունեության վերաբերյալ հաշվետվություններ: Հետևաբար, ՀՀ հաշվեքննիչ պալատի և ՀՀ ֆինանսների նախարարության շտեմարաններ փոխանցվող տեղեկատվության ամփոփագրերի և ՀՀ հաշվեքննիչ պալատին տրամադրվող տվյալների անալիտիկ և սինթետիկ մակարդակների միջև հնարավոր անճշգրտությունները լիովին բացատրելի են:
5	Մշակել հայեցակարգ, դիրքորոշում և քաղաքականություն արվեստի և մշակույթի կազմակերպություններում իրականացվող ներկայացումների (համերգների) վաճառվող տոմսերի, հրավիրատոմսերի և աբոնեմենտների տրամադրման վերաբերյալ:	Ընդունելի չէ	Ընթացքում է	Արվեստի և մշակույթի կազմակերպություններում իրականացվող ներկայացումների (համերգների) հրավիրատոմսերի, վաճառված տոմսերի և աբոնեմենտների տրամադրման մասով ՀՀ ԿԳՄՍ նախարարությունը որևէ միջնորդություն և հատուկ դիրքորոշում չունի: ՊՈԱԿ-ները ինքնուրույն են կառավարում իրենց տոմսային տնտեսությունը:

6	Ստեղծել այնպիսի հսկողա-վերահսկողական գործիքակազմ, որով Նախարարության Ծրագիր 5-ում ավագ դպրոցների տարեկան ֆինանսավորման գումարի հաշվարկների որոշման ժամանակ կբացառվեն սահմանված գործակիցների ճշգրիտ և միանշանակ կիրառումները՝ հնարավոր ռիսկերից խուսափելու նպատակով:	Ընդունելի է	Ընթացքում է	Շրջանառության մեջ է դրվել «Հանրակրթական ուսումնական հաստատությունների՝ պետական բյուջեի միջոցներից ֆինանսավորման կարգը սահմանելու և ՀՀ կառավարության 2006 թ. օգոստոսի 24-ի N 1262-Ն որոշումն ուժը կորցրած ճանաչելու մասին» ՀՀ կառավարության որոշման նախագիծ, որը նախատեսվում է ընդունել մինչև սեպտեմբերի մեկը, և որով կարգավորվում է հանրակրթական դպրոցների ֆինանսավորման հարցը:
---	--	-------------	-------------	--

10. ԱՌԱՋԱՐԿՈՒԹՅՈՒՆՆԵՐ

Առաջարկվում է Նախարարությանը.

10.1 Ձեռնարկել միջոցառումներ և կիրառել այնպիսի ընթացակարգեր, որոնց կիրառմամբ Նախարարության ենթակայության կազմակերպությունների գնումների գործընթացները կհամապատասխանեցվեն «Գնումների մասին» ՀՀ օրենքի և հարակից նորմատիվ-իրավական ակտերի պահանջներին:

10.2 Նախարարության ենթակայության ՊՈԱԿ-ներում ՀԾ համակարգով հաշվապահական հաշվառման վարման լիարժեքության և ամբողջականության ապահովման նպատակով քայլեր ձեռնարկել սինթետիկ և անալիտիկ մակարդակներում հաշվառման առանձնացված վարման և ամփոփման ներդրման ուղղությամբ:

10.3 Իրականացնել անհրաժեշտ քայլեր Նախարարության ենթակա մարզադպրոցներում ՀԾ համակարգը ներդնելու ուղղությամբ:

10.4 Ներքին վերահսկողության արդյունավետությունը բարձրացնելու նպատակով սահմանել Նախարարության կողմից Շտեմարան փոխանցվող ֆինանսական և արդյունքին միտված ոչ ֆինանսական տարեկան (եռամսյակային) տեղեկատվության այնպիսի չափորոշիչներ, որոնց կիրառմամբ միջոցառումների վրա կատարված ծախսերի նկատմամբ կապահովվեն առավել հիմնավոր հավաստիացում:

10.5 Հստակ, ճշգրիտ և միանշանակ կիրառել ավագ դպրոցների տարեկան ֆինանսավորման գումարի հաշվարկների որոշման ժամանակ սահմանված գործակիցները:

10.6 Միջոցառումներ ձեռնարկել և ՀՀ կառավարություն առաջարկություններ ներկայացնել Ծրագիր 1-ի և Ծրագիր 2-ի համար տարեկան ֆինանսավորումների համար բազային իրավական ակտեր ստեղծելու, նորմեր և գործակիցներ սահմանելու ուղղությամբ:

10.7 Ներդնել վերահսկողական այնպիսի գործիքակազմեր, որոնց կիրառմամբ կվերահսկվեն և կբացառվեն Նախարարության ենթակա նախնական (արհեստագործական) և միջին մասնագիտական կրթության կազմակերպությունների սովորողների (ուսանողների) նույնականացման հետ կապված անհամապատասխանությունները, ինչպես նաև՝ ՍԷԿՏ համակարգով սահմանահատումների ժամանակահատվածներում հանրապետությունից բացակայությունների պայմաններում սահմանված իրավակարգավորումներով կրթական ծրագրերին ներգրավելու փաստերը:

10.8 Հսկողություն սահմանել ՀՀ հաշվեքննիչ պալատի կողմից հաշվեքննության օբյեկտին տրամադրված ֆինանսական և համապատասխանության հաշվեքննության արձանագրությունների՝ «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված ժամկետների (արձանագրությունը ստանալուն հաջորդող 10 օր):

10.9 Ընթացիկ եզրակացությունում ներկայացված վերոնշյալ առաջարկությունների հիման վրա մշակել և հաստատել միջոցառումների ծրագիր, որը կպարունակի յուրաքանչյուր միջոցառման համար պատասխանատու ստորաբաժանում(ներ) և միջոցառման կատարման ժամանակացույց:

ՀՀ հաշվեքննիչ պալատի անդամ



Ե. Սողոմոնյան